

兩朝從信錄

崇獎忠義
正磨磨人
心之机括
先為盛舉

兩朝從信錄卷之十四

秀水

沈國元述

六月

庚戌

浙江巡撫蘇茂相請恤錄 昭代第一慘忠疏曰臣聞人
臣事君以忘身忘家為極致 國家功臣以褒忠褒義為
大典故忠義之臣即在勝國首賜褒嘉如唐之於堯君素
宋之於韓通皆以其抗節不屈事定之後 特詔顯揚凡
以忠義為 國家命脉必命脉固而後 國祚長矧
本朝有異常慘忠累蒙 列聖軫念而所司未能極力表
揚遇

皇上激勵節義之朝奉行猶可緩乎則遜國之翰林院學士方孝孺是已臣按孝孺浙江台州府寧海縣人自幼誦法聖賢步趨仁義

太祖高皇帝以布衣召見稱云異人留爲子孫光輔太平及建文時爲太常博士

成祖靖難兵至孝孺抗志不願其身被戮殃及十族蓋古今人臣致身之慘未有如孝孺者及天下大定都御史陳瑛請治建文時諸死事臣

成祖曰彼食其祿自盡其心爾勿問又曰諸臣盡忠于我太祖故盡忠於建文洪熙元年

仁宗諭羣臣曰若方孝孺輩皆忠臣忠臣宜有傳不書何以示勸至隆慶六年

神宗登極詔內一款革除間被罪諸臣忠於所事甘蹈刑戮有衆無二此皆我

太祖高皇帝所儲忠臣義士我

成祖文皇帝當時亦有練子寧若在朕猶當用之語是諸臣罪在不赦心實可原朕今仰遵我

皇祖遺意褒表忠魂激勵臣節詔書到日各地方有司官查諸臣生邑或特建祠或附本處名賢忠節祠當時以禮致祭其坟墓苗裔存者厚加卹錄欽此是累朝

未見激昂秉義未見奮發以臨難苟免爲智以舍生取義
爲愚臣目今因督師巡至台州寧海經方孝孺故里見其
人烟寥落風景慘淡及詢其遺裔有方忠枝方振節方繼
忠方維節四生來見皆容貌朴魯衣食不贍不覺潸然出
涕夫以

太祖尊賢禮士故後代得此仗節死義之報

成祖之靖難比跡湯武方孝孺之成節同志夷齊乾坤所
以不毀日月所以常明恃有此忠義一脉耳今日必特
加褒贈錄其子孫庶以行二百餘年軫抑之氣培千萬

年悠久之基是所望

陛下 勅部亟爲覆行不容延緩者也。或謂孝孺當時血

胤盡數存者未必親枝臣不謂然。夫忠義之氣在天爲星
辰在地爲河嶽彼捐軀致命之臣。臣。臣斷骨碎即 崇褒顯
膾於茲者何有。要以 國家自培忠義一脈則 卹錄諸
典皆宜備舉以樹風聲大抵今日欲張 國勢在固人心
欲固人心在獎忠義又當獎真忠義勿致濫 請混淆臣
在浙言浙得於見聞不敢不以入告伏乞 勅下該部連

爲覆議施行臣曷勝悚息待 命之至奏入

上嘉孝孺忠烈特與祭葬伊妻鄭氏准祔葬原籍仍 命

議諸并所在有司新其祠宇

大學士葉向高等奏曰竊惟今日封疆多事東西逆賊勢甚猖獗各處索餉請帑皆急如燃眉臣等每當看詳不勝愁悶欲報可則內帑有限且恐

聖意未必慨行欲速不允則地方委係危急不容坐視欲速令戶部設處則戶部亦束手無措尚書汪應蛟且稱病求去欲速行各省嚴追逋欠則民窮已極嗷嗷思亂追征太急必至生變蓋臣等之苦心于是而窮而計真無所出矣頃科臣薛文周請盡括天下布政司府州縣錢糧言若可行其實府州縣庫藏亦皆空竭安有贏餘布政司或有

所恃幾何且恐地方有事亦當存留以資緩急
括而空之見如目前山東白蓮教之亂何以支吾此無三
于事而徒多一番之紛擾耳至于十庫錢糧雖皆額設不
可缺乏然必太平無事之日則可言額設今地方多事如
川貴雲南湖廣廣西數省錢糧或經陷沒或係截用每歲
所入戶部之數失其情者多矣何獨取盈于內庫哉臣等
竊觀天下太平日久揆之氣數人心恐又大亂一番即白
蓮教布滿海內四川江西業已蠢動萬一山東未即撲滅
四方奸雄必有乘之而起昨督臣張我續曾移臣書謂各
處土司亦有聚衆數千看川貴消息而動若然則奢酋不

收拾人心
處置兵食
以平禍亂

滅安酋不驅其禍豈獨在川貴已哉此非

朝廷之上大破常格以收拾人心處置兵食臣等切恐其

靡爛決裂而不可救也目前最急如經略王請修邊銀九

十萬總督張請留湖廣全省錢糧四川撫按請餉六

十萬貴州撫臣請餉五十萬除湖廣錢糧聽該部題度

外其餘皆係請帑臣等未敢遽為擬允示擬下

其覆上當酌量給發其他如登來之接濟毛文龍董

之屯田安插遼民皆係急務亦須量給若虎慙鬼怒

索賞插罕諸夷欲合力誅奴則所費更多當俟邊臣

再為議處耳臣等非不知前此所發帑金皆已用罄

議處西寧
該云何人
處置兵食

此後
此後
此後

激烈語

但據今日時勢不得不爲此又切窺

聖心爲疆事焦勞而臣等堅儒茫無一籌可以仰贊屢屢
煩費以發帑庫爲言慚愧無地要以天下太平何處非
皇上之財自古未有患貧之

天子如其大亂則雖積金如山亦不能守此亦

皇上所當深計而熟圖者臣等亦萬不得已而效其愚耳

伏望

聖慈俯垂鑒核

山東妖賊復陷鄒滕二縣

延撫趙彥奏報云二十一日據署鄒縣事兗州府通判
鄭世杰報聞香教二千餘人于十七日三更西門鳴鑼

三聲吶喊三聲用斧砍門城中內應通判挈印走出東門又報稱十時四更時有謂香教內應外合群賊齊入縣城諸賊奔惡滔天神人共憤聞報之日即委都司楊國棟河溝守備王文燁率兵馳赴征勦外查鋒營兵不及三千業已盡發而臨德二營亦發強半白蓮在在留亂州縣在在請兵省城無兵可與只以練訓鄉兵責成存司而已臣于去歲會題泗州添兵一萬二千名省城添兵三千名已奉

欽依准補將官矣因登萊開闢三方並進計部之額餉不足海上之枵腹可虞臣不得已將新兵一萬五千盡赴登萊為同舟共濟筋力不惜費之思也臣不意計部將前撫臣題准九千兵餉亦不准留用促於露肘無可奈何今妖賊突發不惟無兵而出征之兵亦無餉可給矣若非遼事之決裂妖黨豈敢橫逞又非遼餉之搜括東省豈至空虛廣寧失後臣逆知草賊蜂起條議留錢帛一款計部不肯覆行危急至此欲臣不用新餉不可得也臣前疏已先言之矣今妖賊俱在充屬而鄒滕二縣尤南北孔道臣欲親為推問滅此而后后朝食司道府縣貪為白蓮邪教無一州縣無之觀望切發處處兇信一

移鎮入心動搖恐煙塵四起難于收拾居中調度無不可者臣因之不便輕動非敢憚于行也幸諸將奮勇士卒用命都司廖棟一鼓而獲級一千三百有奇燒殺無算少俟兵將會合盡勦鄭城之賊發各營兵齊至郕縣恢復城池掃蕩妖氛亦不難于底定矣惟臣奉職無貲禍亂空發萬死尤有餘幸伏乞

皇上先削臣職級戴罪討賊候平之日恭候斧鉞之誅臣僅會同河道總督陳道亨巡按王一中懷資上陳伏乞

敕下兵部覆議上請嚴加查勘失城通判鄭一杰知縣姚文胤并行勘問庶法紀昭而人心肅地方事尚可爲

魯王捐貲保城

上以藩屏有賴深嘉之

贈講臣唐文獻太子少保廕一子中書○賜侍郎王德完祭葬

隨此職足
知王公餘
理與審廣
情還計信
李則君不
貼于此矣

思之流汗
滿臉

經略王在晉款戰疏曰自正月復廣寧五百里之間西虜
隔斷青耗遂絕自虜設盟爲我向導哨馬達于前途而回
鄉人祁天祿等言奴于正月二十四日進廣寧二十六日
伊子即領賊抵關至十三站馬驚而墮地死用紅毡包裹
隨行之虜皆流涕奴以爲不祥而置兵也斯時也潰卒離
披人被馬倒關門一湧遐想不能禁也萬一賊乘其後何
論山海豈沒有薊永茂夷善于馬而馬蹶

皇天后土念我

祖宗之功德

冲聖之仁明惟阿護于百年乃奮怒于一且此無異奮恃

得情

共三方
置彼三方

浪之擊。立挫神魂殺胡岑之犯旋催兇錄我明萬世無疆
之祚即此已窺數之嘿定矣嗣後聞賊在十三站等處殺
遼人之不順者又執少壯奪妻子是以哨聚于林莽山谷
間奴亦不能盡殺也近保定人王愛遜回順帶錄州生員
趙啓口詞始知錄州城南等處遼人結聚者甚夥賊在東
屯大凌河佳而有李世英劉承功等自廣寧滴水寺逃回
等距城十里夜望城頭燈火達旦以防西虜之掩襲賊之
不攻關者懼虜也非懼虜之強懼虜之衆招呼其部落也
又有樂清人王國自遼陽蘇胡子堡逃回知奴住新城李
永芳住遼陽奴發兵一枝守鎮江防朝鮮發兵一枝守南

點燈我者
香心淡者
芳實言之
可細

即領條一
歸後能聚
我不能佳
訪是何故

鐵壁

韓從仙錄 卷十四
得防、登萊發兵一枝、守廣寧防西虜至五月十六日、聞有
一湖廣人走回、足跛落後、爲絃暈大夷人所掠、傳報李永
芳、向在遼陽、今渡河來廣寧、奴差遼人齎多金進邊偵探
關上兵馬若干、今調何處兵、打聽內邊怕我否、非無意窺
關者、奴既糧足、草長馬肥、而我城郭未完、人心未定、終朝
有戒心焉、此夷情之得于傳聞者也、今之款關受賞者、爲
哈喇博、大罕、酋、字羅贊、伯彥、黃台吉、及朵顏三衛諸夷、來
奔二大都、暨三十六家、爲薊宣之西虜、守關一事、職未敢
藉其力、亦未可必其終、惟是日前得其大濟蓋遼人藏米
于窖、虜發窖得米、日運米八里舖關上居民、以粗布易之、

非財力具
不如奴所
用者皆我
之資血皆
我之精銳
更何吝焉

民得不餒。今干戈懷懷。關民不田。不稼。職懼來歲之無以
濟也。虜人有荅喇。明暗。歐兒。計台。吉。有王燒并部落。不受
賞。荅喇乘覺華島之解馬。欲圖搶掠。今諸夷亦勒之。使受
款矣。王燒并射殺一哨探家丁。搶馬五匹。今諸夷亦擒其
奸人。使之受罰矣。惟是虜中有歹青。最貪最橫。奴乃齎黃
金二百兩。銀若干。貂參數駝。以購歹青。必欲與之婚。媛太
之侄。爲歹青之婦。職令媛太聞之。未知得聞否。奴之購虜
金銀甚廣。而我寸絲寸縷。一分一文。不敢妄費。闕財闕力。
皆奴之不如。貧虜爲其所賺。或通款于奴。所不可知。西虜
之近廣寧者。爲虎墩兔虜中之王。稱慙者也。而昏于酒色。

謂是我
國家之財
耗于浪費
侵匿力窮
于邊患
落平時德
急財反不
添手力不
為我川亦
奈何哉

無遠志其叔腦毛大專權得衆又老而不能自強奴不購
慙而購反青豈謂慙之不足與耶抑慙先爲奴所中耶五
月初旬報慙來助兵駐寧遠到關索賞矣久之而不果至
也必有阻關之情慙來而據帳之虜不敢不避避其王也
慙之歲賞甚繁職喚通官副將王牧民詢之歲賞二季每
約銀十萬今遣去秋之賞夏索其來無以應也遲一日則
有一日之供給其費不可言也慙貪二十萬之賞且金絲
蟒段皆取給于我必不與我絕弟虎慙與奴陽離陰合以
害我又虞奴借慙索賞以乘我其來也不得不嚴兵自禦
也、不得容其迫關此又關門一難處事也又哈喇慎三大

部白言黃台吉韓不世台吉恨奴之陷全遼藐視

天朝誓必復廣寧以洩忿欲差人往召卜火及諸大酋糾衆攻奴其志銳其言確職與督臣議虜勢離而難合其合也靡常而不可恃其離也立渙而不可收虜來必大費費無所出即得廣寧人民已散城宇傾頽亦難終守且虎酋近日言近者坐視遠者覲功我未收螭蚌之利而奴且効卞莊刺虎之法萬一挑釁以速之兵渡河而不可遏潰離之後計非萬全顧叛賊重至廣寧有捲土重來之勢多方以亂之分其力伐其謀亦先發制人之策而邊臣之審時觀變未能自決者此也今宜密探虎酋之情而勵哈喇慎

之氣如哈喇討賊之師果動而虎慙衆索賞之使重來職在關旣不能空言以應酬又不能點金以償費倘不先期以奏聞勢必臨事以束手其在今日備兵以戒不虞備財以應多費有萬萬不容緩者又奴賊捐金縱間倡言朝鮮已受奴封梁監軍不許接見又言殺遼人二萬毛文龍僅以身免夫文龍以二百人往勝乃爲倖敗則其常不費朝廷之供億不煩海內之徵調收功固足以壯國威即取敗亦無傷于國體奈何海上官軍惡成樂敗創不必然之議論墮豪傑直前之氣令三軍咋舌而相戒哉美醜相佐功罪見妬毀瓦畫墁而妬良工之苦心裴足蹶塗而憎

名言

騏驎之千里。雖黃其口。誰不其然。釜鬻之形。于今成矣。奴之所畏。在文龍。我不得不竭力以應之。以成其畏。天津已治。糲裝糧。寒裳極溺。登萊如不發兵策應。年來招兵選將。留餉請帑。所幹何事。嚴正中等分兵出汛。所建何功。試問江淮招集之兵。今日不用。更待何日。取用盡人。操不二之心。則天下無難爲之事。至于錢糧用之切當。處萬不可愛惜。萬不可推諉。蓋緊要爲。

已盡時勢

社稷安危所係。呼之即應。乃克濟事。若夫騙錢騙官。輕譽輕諾。多言多指。用人于所不必用。用財于所不必用。用兵于所不必用。用心于所不必用。及其當用。乃加靳焉。因其

所不必用害其所常用甚矣往事之多舛也及今圖之猶不及耳伏祈

聖明垂鑒

山東都司廖棟破武安賊巢焚之撫臣趙彥奏捷

妖賊盤據巢穴動以數萬時官兵奮勇力戰斬首三百餘顆火砲打賊六七百人又毀燒武安集賊巢及近傍小寨賊胆已寒勢已窮悉奔梁家樓去矣

朝廷隆興
諸君大節
共為不朽

吏部尚書張問達擬覆恤錄差等疏曰諸臣五嶽挺骨三光誓心少海之瀾可回遑知滅項前星之色既正安問埋光雖力抗虎冠而身汎園土血濺螭陛而影瀝落長松一事櫻鱗各處之人併案一官忤

肯連株之坐無遺方俟河清已集座隅之鵬漫憂天墜祇
從地下之龍凡此黃髮登朝強半白楊伏地聞幽屢疏
憑夷賴有老臣憚任同心幽宮甚負良友是用林疏奏于
撫按表遺事于門下參以公評分爲先後計受禍深淺爲
圖報重輕馬鬣雨滋藻思忽施白骨鳳毛塵照光華載映
青箱是用望一人之寵靈實亦繼

兩朝之志事也除將采訪未備陳乞尚稽者容臣等陸續
酌題外謹將原任湖廣僉事等官馮應京等分別等第應
給贈官庶泉路九重感白日之深照

君恩十世結玄壤之長春于以勸爲善而作願忠所裨風

教非淺鮮矣。所有各官贈秩既經左都御史鄒元標等咨
揭前來。又經奉有前項

詔旨。相應題請。但 特恩出自

朝廷。臣等未敢擅便。伏候

聖裁。

擬一等應該復職贈廕官九員。

應在二等
該贈官
曰妻死節
該廕一員

馮應京。南直人。任湖廣僉事。萬曆二十九年。首為贖稅
設建傳聞。極毒為民擬太常少卿。吳寶秀。浙江人。任南
康知府。萬曆二十七年。以贖稅被逮為民方設逮之日。
其妻陳氏綴于檻車之下。因傷死。節擬贈太僕寺卿。李
沂。湖廣人。任吏科。萬曆十六年。疏劾內監克黨。受異常
楚痛為民竟論棄以沒。擬光祿寺少卿。曹學程。廣西人。
任廣東道。萬曆二十四年。疏平。冊立大體。兼因力阻。
封侯。楊時。詔贈。遺戍。終身沒。既太僕寺少卿。嚴洪春。

浙江人任禮部主事萬曆十六年因論國本痛負苦楚一斥為民憂廢終身擬充祿寺少卿王正志河南人任富平知縣萬曆二十八年因竹論被逮拷問獄斃擬尚寶司少卿華王南直人荊州府推官萬曆二十七年被稅監誣奏逮獄拷問極毒擬尚寶司少卿王之翰山西人任東陽知縣萬曆二十九年力阻稅監開礦被逮拷問身歿擬尚寶司少卿吳應鴻廣東人任梧州府通判萬曆三十年因本縣稅瑯虐害良民本官直拒以致稅監題參被逮拷問禁斃獄中擬尚寶司少卿

二。等應復職贈官共六十六員

顧憲成南直人任稽勲司員外萬曆二十二年因救御史高惟岳等降級革職為民三十六年起南京光祿寺少卿未任擬太常寺卿張棟南直人任兵科萬曆二十年因請預教大典革職為民擬太常寺卿李獻可福建人任鹽科萬曆二十年因言預教大典革職為民擬光祿寺卿孟化鯉河南人任文選司郎中萬曆二十一年因推用為民張棟補兵科都給事革職為民擬光祿寺卿傅如禮北直人任太常寺少卿萬曆二十六年因言

假官抽稅降級擬太常寺卿駱千仞陝西人任評事于
萬曆十八年因建言革職爲民擬光祿寺少卿王教山
東人任文選司郎中萬曆二十年因推萬國欽補建寧
府推官革職爲民擬太常寺少卿塗本江西人任光祿
寺少卿萬曆二十一年因請立大典革職爲民擬
太常寺少卿范儔江西人任湖廣道萬曆十二年因建
言條陳十事革職爲民擬光祿寺少卿何選北直人任
湖廣道萬曆十八年因言屢疏不應留中降級擬光祿
寺少卿楊文煥浙江人任刑科萬曆二十八年因言鄒元
標屢推不下降級擬光祿寺少卿王之棟北直人任江
西道萬曆十九年因言老悖銓臣不應起用爲民擬光祿
寺少卿蔡春初南直人任禮科萬曆二十年因言預教
國本降級爲民擬光祿寺少卿錢一本南直人任福建
萬曆二十年因論國本革職爲民擬太僕寺少卿費名
臨北直人任河南道萬曆二十年因中救李獻可等降
級擬光祿寺少卿湯其休山東人任工部萬曆二十年因
言預教大典革職爲民擬太常寺少卿舒弘緒湖廣人任
吏科萬曆二十年因言李獻可不當降調革職爲民擬
光祿寺少卿吳之臣南直人任刑科萬曆二十年因預教
國本降級爲民擬太僕寺少卿陳南象貴州人任刑科萬

曆十二年因言預教大典革職為民擬光祿少卿吳希
范南直人任南京驗封司主事萬曆二十一年因論輔
臣革職為民擬光祿少卿張貞觀南直人任禮科萬曆
二十二年因言冊立講讀諸典革職為民擬太常寺少
卿王如堅江西人任刑科萬曆二十一年因言冊立
三王並封成命革職謫戍擬光祿寺少卿沈璟南直人
任信縣司員外萬曆二十一年因抗言因本察隆擬
贈光祿少卿吳弘濟浙江人任湖廣道萬曆二十一年
疏論閣臣革職為民擬光祿少卿王學曾廣東人任光
祿寺丞萬曆二十一年請冊立革職為民擬太僕寺
少卿顧文選南直人任南京戶科萬曆二十一年因言
屢推郭元標不用降級擬光祿少卿朱維京江西人任
光祿寺丞萬曆二十一年因言冊立論輔臣充軍擬
太僕寺少卿于孔兼南直人任儀制司郎中萬曆二十
一年因言趙南星京察不公降級擬光祿寺少卿楊天
民山西人任禮科萬曆二十九年為三禮稽遲被論極
邊擬光祿少卿喬胤江西人任刑科萬曆二十二年因
申救彭應參革職為民擬太僕寺少卿吳文梓南直人
任兵科萬曆二十二年因言軍政考選降級擬太常寺
少卿馮生虞四川人任文選司郎中萬曆三十一年因

兵件連中立疏論選臣相繼屏去革職為民擬太常寺
少卿劉弘實福建人任工科萬曆二十二年因言
祖陵水患日深降級擬太常寺少卿陳加訓江西人任
南京吏科萬曆四十四年因論輔臣降級擬光祿寺少
卿逮中兵山東人任兵科萬曆三十二年因言死臣相
繼屏去降級擬光祿寺少卿張同德河南人任工科萬
曆二十三年論定國公徐文璧以代祭加銜太師革職
為民擬光祿寺少卿賄階行南直人任四川道萬曆二
十三年因論輔臣降級擬光祿寺少卿鹿文煥北直人
任江西道萬曆二十四年因言軍政考察不當罪及臺
臣多官降級擬光祿寺少卿劉仕詹江西人任兵科萬
曆二十三年論軍政考察內有霍文柄以督撫功自副
千戶授指揮同知降級擬光祿寺少卿郭廷彥四川人任
兵科萬曆二十四年因申救耿隨從革職為民擬光
祿寺少卿馬經綸北直人任河南道萬曆二十四年因言
軍政考察不當罪及別科各道革職為民擬光祿寺少
卿耿隨從北直人任戶科萬曆二十四年因言軍政考
察耿為為民擬光祿寺少卿宋宣山東人任直隸巡按
萬曆三十五年論輔臣并申救姜二昌降級擬光祿寺
新蔡道州江西人任禮科萬曆二十四年申救耿隨從

等革職爲民擬光祿寺少卿劉爲哲北直人任吏科
曆二十六年因

上怒吏科不糾舉吏部降級擬人常寺少卿林培貴吏

人南京河南道萬曆二十四年因言時政可與降級

光祿寺少卿戴士衡福建人任吏科萬曆二十六年因

建言革職謫戍擬光祿寺少卿錢養廉浙江人任驗封

司員外萬曆二十六年遷吉甌別司官欽勾爲民擬

光祿寺少卿陳泰來浙江人任禮部員外萬曆二十一

年因論輔臣革職爲民擬光祿寺少卿劉道亨北直人任

史科萬曆二十六年因論輔臣降級擬光祿寺少卿穆

深山東人僑勳司員外萬曆二十六年因吏部等衙門

覆跪道吉甌別司官欽勾爲民擬光祿寺少卿王

紹先陝西人任戶部主事萬曆二十六年因內監論劾

本官勒指軍狼拷問降級擬光祿寺少卿審時鎮陝西

人任職方司員外萬曆二十九年因遼東院監高惟泰

總兵馬林復本稍遲將本官革職爲民擬光祿寺少卿

陳康泰江西人任刑科萬曆二十九年疏劾院監降級

擬光祿寺少卿費必具河南人任南京禮科萬曆二十

四年因申救耿隨龍革職爲民擬光祿寺少卿王士驥

華職爲民擬太常寺少卿萬國欽江西人任山西道萬曆十八年爲阻宗伯有問事降州判擬光祿寺少卿劉文卿江西人任文選司員外萬曆二十六年爲推陞遷謫官員調南京擬光祿寺少卿彭應參河南人任浙江巡按萬曆二十二年因被祭酒范應琦妻吳氏誣奏革職爲民擬光祿寺少卿朱長春浙江人任刑部主事萬曆二十四年因言石星媚倭革職爲民擬光祿寺少卿張納陞南直人任儀制司主事萬曆二十一年同禮部員外陳太來疏論輔臣將本官一槩降級擬光祿寺少卿顧允成南直人任儀制司主事萬曆二十一年同陳泰來論輔臣降級擬尚寶司丞諸壽賢南直人任禮部主事萬曆三十年論白憲臣海瑞革去冠帶同籍擬尚寶司丞薛敷教南直人任助教萬曆二十一年論大臣降級擬尚寶司丞崇恪湖廣人任職方司主事萬曆二十四年因東封非策一疏被連降級擬尚寶司丞

命考選勿拘資格卽利貢亦一體與選

禮科汪慶伯請責成大臣直述進藥情形以定罪案以信

天下萬世疏曰臣復見吏部尚書孫慎行綱常大分宜明一疏爲

皇考賓天李可灼進藥一節引春秋許世子止晉趙盾之義請正舊輔臣方從哲弒逆之罪奉

聖旨卿言忠愛然事係傳聞并進封移宮等事當日九卿科道官多所親見還着據實會奏以釋群疑其李可灼輕易進藥不能無罪着併議來說該部知道欽此已而吏部發冊科道建議言人人殊各摭胸臆然皆云奉旨會議則非也

明旨惟着當日親見諸臣據實會奏耳夫大小之獄未有

衆証不到而可招詳評。允者。今許世子趙盾。古律也。進藥新案也。慎行從哲。兩造也。而當日親見各官。不啻衆証也。事關。

先帝之終。

皇上之始。非但從哲要領家族而已。

先帝果由可灼而賓天。可灼果由從哲而進藥。此其本末曲折。非親見莫能悉也。春秋弑君三十六。獨許世子以不嘗藥。趙盾以不越境討賊。筆之聖人。至今議者紛紛。况以新案傳古人。果徇真心服否。非親見莫能折也。猶未也。從哲爲許世子。趙盾似矣。春秋之法。弑君之賊。人人得而誅。

臣比肩諸臣不聞阻其進且甘同其賞若非慎行
將終存而不諭耶既有慎行此疏乃欲集議于事外之
人射覆之口以定此案不知前日自處謂何今日奉
旨又謂何猶未也意見尚有異同若親見之事無異同也
議論尚有彼此若會奏親見之事無彼此也尚書張問達
黃克繡皆親見人也又有英國公張惟賢大學士韓爌見
在班行皆顧命元老豈肯爲亂賊之黨如此大事豈可
善忘如師舟模稜如味道竊謂爲大臣者斷宜遵
旨自行據實會奏臣等執白簡爰書從其後則綱常可明
議論可定天下萬世可質矣然臣所貴于親見者以弑逆

二字耳。若合和御藥大不敬之律。崔文昇李可灼明明無辭。不難議也。若從哲大事糊塗。無論依違于進封移宮議。證三事。即李可灼罰俸。票回藉調。理明以君父爲戲而庇罪人不難議也。委柄私人大張威福。催戰四路。斷送封疆。誰實遺禍。可冀全恩。不難議也。臣之所能議法者此也。神廟實錄。臣知其止于仁。

先廟實錄。臣知其止于孝。享國不同。考終無異。弑逆之實。臣未敢定弑逆之名。臣何忍聞往事不具論。即如科臣。建抗言。崔文昇以爲外廷流言。進御不節。皆文昇藉口。其投藥之好愛。君卓識。臣甚避之。然則史筆之無曲。

謗思過半矣。臣之所能議史者此也。臣能議者據所聞以備。

皇上之採擇臣不能議者乞。

勅四臣據所見以聽。

皇上之處分愍之共成一個是而已。

川師克復渝城。

鄖陽巡撫楊述中捷報云五月二十七日薛總鎮盧奉政張副使用計誘擒賊首樊龍張彤領兵入城搜獲餘黨。

矣。

山東巡撫趙彥請暫留班軍以靖妖氛。

疏略曰鄖陽之賊多梁家樓數倍而官兵反少何日掃蕩清運咽喉豈容爲賊所據臣爲是憂心如焚扎兵無

餉無米難炊。但得梁家樓之賊旦夕底定。以全力攻二縣。何難之有。然不敢以預期也。日與諸道博訪良策。惟
有暫留秋班邊軍一年。免其赴邊。練其精壯者。隨營勦
賊。更其老弱者。在省守城。庶幾隨取隨足。可省召募之
費。有官有募。又無脫伍之累。籍以興工。催取不啻再三。
然以輕重緩急權之。山東之禍亂甚急。而薊門之修築
爲別圖也。查秋邊在營二千九百六名。在營三千名。皆
在濟南附近地方。職一面題知。一面挑選勦賊。即井椿
詔之罪。不敢辭矣。原任撫兵楊肇基。一腔忠義。滿腹甲
兵。素裕選等決勝之才。紳有冲鋒破敵之勇。職雖咨請
督兵。賊未奉

明旨。難議約束。兵將相應。并題責成者也。東省額兵。僅
有數千。而賊分三路。每路不啻數萬。安能分身變化。撒
豆成兵乎。况吾府州縣請兵之詳。分至省東。職惟以訓
練鄉兵責之。固守而已。僉議借兵丁部有。勸力掃逆。豈
非能計。但職守封疆。義同休戚。非獎率諸官軍。以
東省之兵。足丁東省之事。何敢乞靈于人。自肆推委之
咎也。初三日接邸報。見湖廣道吳之仁一本爲妖賊糾
衆。精銳等事。以稱留廣兵三千名。謂兵三千名。鎮守鎮
守張秋。以防。運。節。要。深慮遠。職深所敬服。本日又

摠河陳道亨揭新運漕儲甚急。然賊蜂聚可虞等事。內稱調陞省漕運督運督臣河南撫臣各調發營兵赴濟護衛新運一節。壯猷偉略。朕所感銘。復思郛城之賊。被圍不出。鄒滕之賊。屢經敗衄。截運之事。尚未可知。惟照河臣之議。調天津或保定兵三千由滕縣入。再調天津保定兵三千由東昌入。並本省之兵會同一處。兵多將勇。可以立刻掃蕩。又何運道之足慮也。

考選庶吉士三十六人。蔣德璟、鄭鄮、李明睿、倪元璐、楊玉珂、倪加善、黃道周、張士範、朱之俊、張四知、楊行恕、黃錦、齊心孝、劉必達、方逢年、陳盟、鄭之玄、王錫衮、許士柔、劉先春、李紹先、陳維新、文安之、陳其慶、王鐸、李若琳、孫之獬、陳寅、王鳴玉、梁元柱、謝德溥、杜三策、屈可伸、王啓元。

桂王選繼妃

賜給冊命冠服

禁濫乞恩典

禮科彭汝楠以罪璫崔文昇哆口肆辨再劾之

上曰皇考在日親傳在青宮得虛疾輔臣熿等在前皆知如何說君父之仇不共戴天新進小臣不諳事體姑從輕罰俸三個月

刑科沈惟炳一本奏以釋群疑事奉

聖旨選侍向有觸忤朕一時傳諭不無忿激追念

皇考豈能恕然爾每當存朕意不必多言致留疑議該部知道

史記

臣方有度奏曰閣臣票擬所以宣

是言即所以定國是一日之擬議千古之是非得焉近

臣孫慎行叅舊輔方從哲綱常大分宜明一疏奉

聖旨會奏諸臣或揭或疏凡滿公車指日該部具奏直道

在人公論在國職可無言惟臺臣徐景濂疏而票擬皆

欲付史館若以史爲一人一家私物而不知史也者紀載

必核一時之實予奪必合人心之公非但史官不能私筆

削實亦

人主不能私是非也今宜

明朝從信錄

卷十四

七

先帝聖德考終中外所知政惟中外所知能宣可灼不准紅丸乎

皇考不服紅丸乎從哲不賞奸乎可灼不予告乎宣宮閣等事

皇上所親見是矣政惟

皇上所親見也能宣泰昌元年九月無選侍毆辱之

聖諭乎天啓二年六月無選侍觸忤之

聖旨乎若以數者盡屬烏有也自皇

天語藉藉人言有目共見有耳共聞固史臣不能一一
殺若舉前後

青並書也。則一事自相牴牾。職謂票擬不可不慎者。此其一也。又職同官彭汝楠疏。票擬至借証于輔臣。夫

皇考在日。得虛疾是矣。政惟是

皇考得虛疾。所以崔文昇不宜進下藥。今試問昇果應進下藥。

皇考果應否服下藥。恐輔臣韓爌等不敢任也。

皇考上仙之速。輔臣之心。必有惕然追悔。奈何引輔臣之親見。以寬文昇之罪。職所謂票擬不可不慎者。此又其一也。職聞

絲綸之地。為政本。以天下治亂之安危。胥權輿于此也。故

自古未有政本張而天下不安且治者未有不張而不廢
且亂者從哲執政數年祇是庸庸持祿綱常大事不肯主
持擔當遂至今日口誅筆伐自蹈污泥之中不能自脫今
日事理黑白雜操玄黃番覆幾令綱常無所係屬且相臣
不主持誰爲主持以重

皇言定國是相與扶持綱常于不墜乎前日兩番票擬
先後參差觀聽之不一何以心服中外垂信後來職司封
駁不敢不忠告于

陛下奉

聖旨國史傳信萬世但當據實直書李可灼已有肯處分

移宮亦曾奉傳諭何必爭論這所奏併付史館纂酌

督臣張我續請超掘城守恤錄戎節諸臣

跪略云知州翁登彥之保合州而兼復安岳也真安

州知州楊汝昇之保真安而兼復桐梓也銅梁知縣吳

弘業之保銅梁兼復大足也南川知縣韓應龍之保南

川兼復綦江也安岳知縣程學臣之避賊一日即復而

兼復樂至也什州知縣鍾文煊之城軍無虞而又多擒斬

也此九臣者其胆略不誦皆有大過人者也齊登彥謀

已疏題超升參事矣吳弘業謝奇舉程學臣見今行取

隨宜授以台省清要楊汝昇韓應龍仍應超陞運同職

銜仍管本州縣事曹元龍冉岑文煊似應加陞府同職

銜仍各管本縣事以竟厥施以安百姓者也乃若與文

知縣張振德妻于同焚歿也長寧主簿徐大禮之一家

四口服藥死也南溪知縣王顯甫之守城禦寇力不支

以龍縣知縣王重之督兵援省與賊對陣擗碎知縣洪

淮翰之破賊奪印不屈縣訓導趙世之性勇殺賊于

西門之外武都前衛指揮羅英之冲堵賊鋒于龍泉驅

成都后南指揮韓應泰之督兵援省對敵于草堂時建武指揮李世勳之聞賊陷舍宅自焚小河所鎮撫也聯若之與賊兵大戰于城西茂州衛百戶張羽之領兵應援至郡縣交陣合州知府原任鞏昌府同知董盡倫之率衆殺賊趕入渝城忽被伏兵四起暗刺而死者也以上十二臣者其正氣可以光日月其忠可以泣鬼神也義若節臨難不避雖古之烈士如張許輩蜀加焉其視近日抱頭鼠竄聞風先逃者豈不星淵矣哉嗟切謂不分文武無問崇卑均宜照例卹贈錄建祠以爲人臣死事者之風勸至于董盡倫保護城池厥功更大則所以食報其子孫者尤宜隆矣

原任湖廣提學副使葛寅亮上鄉總憲書

頃從邸報中伏讀大覽爲孝宗先後被察諸臣云甘門戶中人原以門戶受錮欲加起用而亮名蓋焉此乃台臺振南枝滿座恒恒人才甚盛心也即不肯如亮亦榮齒及而破以不虞之華矣而叨冒踰涯矣切惟台臺望願朝野一言之出當世奉爲楷模而獨于門戶名號亮覽有惕然不安下之心者蓋門戶之起其初亦非有意以

門戶是
此特急利

曲盡門戶
之狀

直欲登斯
世千際古
思長厚矣
何等品哉

標之也。二三君子以同通相切磋而德望既彰。榮實日
重。于是有指龍門之登。為集苑之地者。而出叙入主。與
徑不免轉多。門戶之外。復有門戶。今人莫可測識。但見
攻緊。適為主盟。盛衰互相倚伏。其盛也。慮用者得備。之
以。遂藉慕之。私其衰也。實終者且因之。以被林漢之累。
其盛衰之迭變。而與
國相劇也。直至善類盡而
主勢張而

國運併隨之。以供盡考之。往古歷有明後。是門戶非為
國家計其初。心亦豈顧至是哉。台臺雖中云門戶貴朋
黨之別名。漢唐季世所以室人閭者多坐此。其害于憂
國之言。足為千秋龜鑑者。仰窺台立。而欲其門戶以
為化町畦之地。易若併門戶之名。不立。而町畦愈以化
也。無論門內門外。推問實營職業者。一體搜羅。而門戶
二字。直消跡焉。有或庶幾三代之英。大道為公之世乎。
而非台臺其孰與主持之。至于亮之不肖。原未嘗知有
門戶。生平止孤寒自安。即交際筆牘。多從謝絕。絕自覺才
情局促。御李無由。而無能仰附于門戶者。也。前歲被察
因辭文楚中。不敏從糊名暗中摸索。以致得罪大僚。即
奉歸亦自有所授。原非以門戶處亮也。亮察止降級。去

歲又與台臺交荐公論已明所以不即赴補者爲身病不能遠行何敢過叨起用而更附門戶爲者亮前被奏至搜改教條以好施爲好釋及續攷入唐文三限頒行亮怡然受之而不白明者以所關止一身之微也今蒙着至齒于諸賢濫叨獎惜而亮一見驚皇不能不爲過計者以所關係國事之大也區區微衷正所謂焚不恤其絳而爲宗國之憂且于台臺勸萬代占仰之舉而不爲一時感激之私者正仰體台臺之爲國惜才至以收門戶者爲化門戶而聊一推廣之也亮久患怔忡每以痛楚五內若崩至昏仆不能起倘得生全自當遵例赴部聽補而思無疾可之月則仰藉栽培或爲破格叨叙諒病弱之軀亦必不能劬劬就道矣惟願以朽木蠹腐置之而所感于主成者自非志鮮也亮策輿至再病案不能自效故以關門廣攬之說進是則仰答鴻慈于萬一者此矣伏 台臺垂察

禮部尚書顧秉謙侍郎周如盤教習耿吉士

廕劉元霖一子天監

欲全
體伸
國
法
之
此
疏
庶
即
平
情
理
之
安

吏部尚書張問達會同戶部尚書汪應蛟等公奏略曰竊
惟

國家有不可不正之綱常有不可不飭之法紀然必法紀
○飭而後綱常正○必綱常正而後史錄明○禮部尚書孫慎行
疏論舊輔臣方從哲從哲有辨疏都御史鄒元標繼以疏
論從哲又有辨說此事于

國家重有關係且仰奉

明旨命臣等據實會奏并議李可灼輕易進藥罪臣等謹
以三臣論疏辨疏送各衙門觀覽又于邸報查當時九卿
禮部糾直等官諸疏并類送覽仍會各衙門各出議單以

彰至公其各衙門送到議單并奏疏本內不能盡者另彙錄一冊隨奏封進

御覽臣等據各衙門叅疏及各衙門議單叅之衆論証之當時情實會奏上疏慎行首論乃鴻臚寺官李可灼進紅丸事可灼先見內閣臣等初未知至奉

皇考宜召英國公輔臣及九卿科道進

乾清宮候之丹屏輔臣與臣等乃共言可灼進藥多言不可進或言可進俱慎重未敢決又宜臣等進宮內跪

于御榻前問

聖體安奉

皇考諭朕以衰傷勞瘁感寒身甚虛弱并

諭壽宮留心 諭臣等輔我

皇上爲堯舜隨問寺官李可灼在何處趨 召至

御前視疾啓進紅丸

皇考意欲進藥取奶乳和藥可灼和之以玉碗進一丸少頃又問進一丸至中又問

聖躬安 諭服藥後少出些汗身覺溫熱就寢此進藥之始末英國公輔臣與九卿科道所共見聞者是時輔臣與諸臣視

皇考之疾爲我

皇上乞保安急迫。倉皇悽然。共切弑逆二字。何可忍言。在諸臣固諒。輔臣無是心。即今禮臣之疏。內語意亦已相諒。但以我

皇考調攝慎養之身。凡藥不可以輕易進。可灼妄意進之。輔臣從哲。未能力議止。九卿與輔臣并候于宮門內。亦未能力議止。臣與諸臣均有罪焉。至于可灼之處。分人又以票擬罪從哲。可灼進藥之後。適會我

皇考賓天。大漸之期。中外共痛之。恨之。臺臣王安舜等。疏叅重處。即應重票。乃先票罰俸。繼票養病去。則失之太輕。失之輕。故即按其輕而罪其不盡法處也。不重處。可灼何

以慰

皇考服中外而正大法輔臣于辨疏後皆自認其罪自乞
削奪期以自白其心而并冀以釋中外之疑也即臣等亦
云輔臣欲白其心釋其疑似應如輔臣自陳請之疏爲法
而任其咎是亦大臣引罪之道所宜爾然而非臣等所可
議也

至于選侍欲垂簾聽政輔臣與臣等于

皇考鼎革日黎明候于 乾清宮門外急欲進宮閣者猶
攔阻臣等排 闥進哭臨

皇考罪即請卹謝我

皇上良久未出臣等懇請之

皇上始出叩頭罪人心洵洵始定臣等相目視遂拂我護

皇上出乾清宮門外坐素輿扶進于文華殿先叩懺皇上即正我

皇上位行五拜三叩頭禮呼

萬歲乃起

聖駕還于慈慶宮偶有三二內使走云此事既不啓

李娘娘臣與諸臣即斥言是時上無

聖母惟知有我

皇上何知有選侍而使輒去臣等與合朝諸臣議我皇上登極又議登極日即應住乾清宮斷無再回

慈慶宮之理吏部九卿等臣即公疏奏選侍移宮科道等臣又各疏奏移宮輔臣遂于直房內共具揭奏移宮

皇上允其奏令即日搬移諸臣共快之然其心猶以輔臣之奏不毅然先爲諸臣倡也儻其時非諸臣共扶大義急奏搬移如再稍遲則乾清何地猶然混居令其竊靈威福又將如我皇上登極還宮何哉

夫李可灼非醫官也非知脉知藥者也一旦以紅丸輕進

希圖非望之福而

龍馭上昇、攀號無及、可灼罪勝誅乎、應卽勅行該省撫按、
官拏解、可灼于法司究問、如何輕易進藥、以正刑章、若舊
聖濟殿提督太監崔文昇、當

皇考哀傷感寒之時、聞進大黃涼藥、罪亦當誅、可灼輕進
紅丸、文昇何不詳察此藥與

皇考疾合否、應進否、臣等謂進藥何等慎重、文昇在左右
乃寂無一言、議藥具奏、身膺提督太監、謂何文昇之罪、又
在可灼上矣、法應

勅逮文昇于法司、從重究擬、與可灼並正典刑、是以三尺

除二惡。肅法紀而公憤洩。因以扶綱常于未墜。中外之疑庶可以釋。輔臣之心亦可以自明矣。禮臣與憲臣以忠憤之心。發慷慨之論。臣等會多疏具奏。亦合各衙門之議定。天下之評嚴懲創于既往。垂警戒于將來。臣等爲

國是爲。國祚計慮。敢不從公而從實哉。况史館已開實錄之成在即。又自有纂修執筆之臣。定其辭焉。耶然日星以俟之千秋萬禩而已。毋庸臣等贅言爲也。伏惟聖明垂鑒。

上曰

皇考遠豫。原因虛弱。朕與各官親聞。

聖諭其進藥亦只求安好各官並無人阻止但李可灼素
不知醫希圖僥倖委應重處舊輔方從哲票擬失于太輕
然心迹自明豈容輕議你每說他諸事遲緩姑息優游致
邪佞開詩教輩把持朝政責誠難諉朕念 兩朝舊臣輔
政歲久事關國體不必苛求其李可灼着該省撫按官拿
解法司究問正罪崔文昇仍發遣南京此事紛紜多日今
處分已定以後大小臣工都着平心和氣各修職業共濟
時艱不得牽纏竄奏再生事端

是時以次出疏則有薛文周張慎言江日彩安伸溫臯
謨周命令汪慶伯方有度傅繼徐景濂沈應時魏大中
沈惟炳彭汝楠韓爌
江應麟王承光侍郎陳大遒李宗延

侍郎張經世、陳邦瞻、尚書王紀、侍郎傅東明、尚書姚思仁、侍郎丁懋選、左副都馬從吾、左僉都鍾羽正、通政使白璠、右通政林熙春、劉憲寵、參議馮時行、聶世潤、呂邦耀、梅之煥、左通政何喬遠、大理寺卿周應秋、少卿饒位扶克儉、曹于汴、郭尚賓、吳應璫、王命璿、太常卿陳于廷、少卿朱允祚、韓光祜、王紹徽、耿廷相、鄭三俊、太僕卿肅近高、張五典、少卿申用懋、游倫、李之藻、歸子顧、劉策、孫居相、周起元、田生金、柯臬、滿朝薦、熊明遇、黃龍光、光祿少卿高攀龍、給事中趙時用、甄淑、薛文周、章允儒、陳熙昌、周希令、周朝瑞、朱童蒙、李選知、賴良佐、沈應時、朱大興、林宗載、魏照乘、霍守典、劉弘化、沈惟炳、薛大中、張鵬雲、韓繼思、魏大中、方有度、陳爾翼、郭興治、御史王遠宜、崔呈秀、周邦基、楊新期、李懋芳、朱希禎、江日彩、倪應春、李時榮、陳保泰、陸獻明、張文熙、張汝懋、妹應嘉、施傑、溫臯謨、馬鳴起、劉芳、鄭復、李日宣、吳之仁、蘓琰、楊維垣、馬逢世、馬鳴世、侯恂、沈猶龍、錢士貴、吳桂、黎思、陶樊尚、崇禎允儀、劉徽、李玄、王六年、周宗文、吳其貴、張應辰、府尹沈光祚等，或專科，或合論，文冗不能盡錄，聊述一二。

于左，以備考核。

給事中沈應時奏

皇考賓天之事四海臣民之疑有自来矣前有張差之
恨其事甚顯而以風竊二字結案後有崔文昇之藥其
情甚隱而以薄罰示辜至李可灼非御藥供事之人
也胡爲乎有紅丸之進乎竊鴻臚與醫院原自分職大
漸之藥物豈可輕授以
君父爲漫當以深宮而得進所云大不敬孰大于此
可灼罪不容死夫復何辭戎政尚書黃克纘會議一揭
稱與閣部諸臣皆言此藥性熱恐
聖體虛弱受不得補繼言閣臣未嘗使可灼進藥藥乃
可灼自進其意亦欲爲

先帝少延無疆之壽不自意其久進藥而朝

上仙也夫克纘之言實是

先帝上仙之促明以不能受之藥保之也此實可灼死
案之一證也克纘爲顧命之臣又司寇之長設與輔
臣從善計輕易進藥之罪將崔文昇李可灼並寬之法
安得四海臣民懷疑至今乃當持不特不寬之法已也
么營小吏微回藉調理之責又曰無功厚賞人情豈
難不平凡有忠厚之性者無不爲之髮豎大抵是案也
在李可灼有應得之罪在崔文昇有未盡之辜在輔臣

當聽之公評在
皇上當斷以公義一時之裁斷定萬世之實錄昭矣。

三曰李可灼已有旨會奏議罪不必紛爭。

給事中魏大中奏禮臣孫慎行痛

先帝崩殂討舊輔方從哲以春秋之法

皇上命諸臣據實會奏何以迄今未奏也蓋

先帝之棄羣臣在庚申九月之朔日而率土忠義之驚
言者已在乙卯五月之四日自前日之挺不中而國所

以中

先帝者百端至城醢毒千女謁侯元精耗損億不可支
而蕩以暴下之劑燦以純火之鋒

先帝所以彌留而不可起也其跡甚著何以迄今未奏

也然則張差崔文昇諸人所謂

先帝之賊也要使孔子而作春秋定首罪必罪在不計

賊之臣何也春秋書趙盾爲弑惟以其不討賊也不計

賊何以即名爲弑以盾爲正卿也傳曰深責執政之臣

然則自乙卯以迄庚申其時執政者誰計賊者誰甚晰

也何以迄今未奏也且非獨不討而已酬可灼以賞獎

可灼以忠愛寬可灼以罰俸優可灼以養病而崔文昇

者代爲委之乎

先帝之宿疾至一至再。夫以數十年忠肝義胆。所羽翼之元良。數十日深山窮嶽。所譚吟之堯舜。一旦戕于二賊之手。從哲不能計。反從而護之。從哲真無人心者。何以迄今未奏也。春秋之法。誅意謂惡莫罄于意也。闢入慈寧。非張差之意。固即國奉之意也。投劑益疾。非崔文昇之意。固鄭養性之意也。而執政者何又。不以問也。春秋之法。誅賊必誅夫。賊之所恃。今造意者何所恃。黨賊者何所恃。恃從哲也。不必紅錦之進。出從哲之意。而從哲已爲罪之魁也。何以迄今未奏也。李可灼之罪。不合之崔文昇。不備崔文昇之逆。不遡之張差。不明鄭國奉。鄭養性。方從哲之罪。不參之三案。不定。不悉。崔文昇之情罪。宜不下張差。而李可灼次之。如是而朝廷所以處從哲。與從哲所以自處者。可以權斷其間矣。何以迄今未奏也。

給事中沈惟炳奏。九月二十八日抄到。

聖諭。有云。選侍李氏恃寵。屢行氣殿。

聖母。以致愼憤在心。十二月初十日。又抄到。

聖諭。選侍因殿前。

聖母。彼自知其罪。每使宮眷時來探聽。不許朕與聖母下原。任各官說一句話。不知此兩。

法紀之臣
作議如山

論者真耶假耶如以爲假則克繼之言是也如其真則
皇上必非無故而傳殿前之旨且
英明天子恐亦非權璫始臣所敢爲捏克繼是何肝腸
乃欲臣選侍之凌虐

聖母之怨讐是何膽力乃敢以臣子之逆辭率
君父之哀告且是雨

斗先是肅清宮禁之疏內有武后之禍立見于今日之
語臣彼時尚疑此言不無太甚後讀

聖諭則光斗危言捧日殆有先事之憂焉非過計矣而
臣同官楊連前疏蚤清宮禁後疏敬述移宮始末中間
竭力將事委曲調停一段事情不過一時忠愛至情迫
切不能自禁亦臣子尋常職分何嘗認爲已功而後乃
有居功之說此胡爲者連而果居功也何去國之身似
集而罪之者必無已耶

以上俱奏略

尚書王紀侍郎楊東明議

光宗先帝御極三旬鴻臚偉略史不勝書說者曰一月
太平天子

萬年有道聖人此贊詞亦實錄也追想
景談之令人歎服泣下迨其末也麗人之盛志崔文昇
之京制李可灼之紅丸同安机軸今之畫策者即昔之

過譴者也舊輔方從哲獨乘國成憤結與援止知有貴妃不知有

若父也藏禍心其姦惡更在沈四明上矣此禮臣孫慎行所為公正發憤欲申大義以討賊也其喫緊全在李可灼進紅丸一節夫

先帝當鼎湖訪落之時過哀過勞已成虛損痼疾誰令可灼之紅丸又繼文昇以進乎方是時

先帝大漸召大臣託孤託后事一息僅屬易簀在即此正虛扁望而却步之日也金丹之餌何益雖

先帝考終正寢疏然明白而可灼輕易進藥令人不能無遺恨矣何物么廢不知重計而實之罰之乎以

溫旨遣去之可謂國有刑章乎諱前而觀從哲過信可灼有妄進藥之罪由後而觀曲庇可灼有不討奸之

罪即味長三尺亦無以自解矣有味乎左都御史鄒元標罪乘國成之言也可謂千載鐵鏡矣嗟嗟

國法國史交相垂戒禮臣憲臣互為發明一則扶君臣之大義一則成古今之信史老臣忠

君愛國防微杜漸之苦心未可為腐淺者道也總之此書公案妄投大黃以損傷元氣者崔文昇也輕進藥

者李可灼也主使李可灼者方從哲也不逮可灼無以

服天下不逮文罪無以服而矧不削奪從哲官階錄廢無以戔天地神人之怒焉法受惡百口何辭焉

國討罪三尺不貸是在

皇上大奮乾斷毅然必行耳即今開局修史將職等疏單及詹事公劄科臣惠世揚議史二疏一併宣付史館以成

光廟實錄庶國法清議大明千一世姦臣邪黨遺臭千萬年其有裨于綱常名教非淺鮮矣

尚書汪應蛟王永光侍郎陳大道李宗延議

皇上登極年已十六與

世宗入踐同歲選侍垂簾意欲何為說者謂與封后

迥一機關非臣等所敢知倘二事有一得行不知

朝廷作何景象從哲雖有二揭一遲至三十日一遲至

初五日豈總歸枯死之想乎錄今而觀封已停宮已移

往事若可無論然皆藉

天地祖宗之靈與禮部臺省之力從哲以

顧命元臣游移于可否緩急之間若有若無若痴若黷

臨大節而不可奪無望矣且以封后移宮二事合于進

華一事不知萬世春秋之筆當書從哲為何如人也

清史稿卷一百一十五 禮志五 嘉慶二十五年

籍以然味其語意既從哲不能自解而欲人代為從哲

解不可得也夫帝崩而立后此自古未經見之事豈特查劍而後知其

有無哉從哲不干此時歸還內降引義力爭而汲汲傳

奉下諸禮部若禮部之奉行復如從哲則事遂成而不

可挽矣呂武之禍能保其不再見乎夫以封后必待禮

官之迫而後上以移宮必待言官之迫而後行從哲各

以一揭塞責輔臣所居何地而舉動若此其又何詞以

自解也太僕寺卿蕭近高張五典少卿申用懋於倫李之藻歸

子顯劉策孫居相周起元田生金柯某請朝薦熊明遇

黃龍光議聖體虛弱豈宜投以世鴻猛悍之劑乃崔文昇初以泄

藥進李可灼繼以紅丸進滔天之罪即肆諸市朝猶不

足以謝皇考在天之靈洩幽明人鬼之憤也身犯重譴何為而

賞以天府之金華胥離流阿焉而票以回籍調理之

責舊轍之心毋亦寬可灼以為日寬之地耶至若

貴妃之后事從古未聞有立后于帝崩之後者舊轍不能引證力爭願含糊其詞曰不知

有此例否。至若移宮。舊策此乾坤何等事。而優柔現望。不勇決。割陳利害。及衆議逼迫。而始以一疏了事。夫大臣有立談之頃。而莫

神器于太山之安者。舊輔間之。當愧歎矣。若張差之橫挺入宮。古今莫大之變。風顛二字終非信狀。舊輔秉國之成。何不存一段公案。俾后之考信者得誅姦雠于既歿。而稱信史于天下萬世也。昔周公爲流言之故。居東二年。舊輔身犯不韙。公論不容。豈僅隨流言之比。更當斥回原籍。無貽退而不能達之戒。使得潛窺盤據。爲將來宗社憂無窮期也。

光祿寺少卿高攀龍議。禮部尚書孫慎行論劾方從哲一疏。發舒數十年神人之憤。防閑千萬世君臣之義。其功偉矣。夫春秋之義。端本澄源。罪坐主者。故趙穿弑君。以歸趙盾。肅政也。夫張差之使。美妹之獻。大黃之藥。相迫而求。同一線索也。猶知臣子之義。忠憤當何如。相國處之恬然。若秦越人之相視也。豈獨恬然。且力爲調護。力爲隱諱。力爲考察。討賊之人。君與賊不兩立。相國惟知爲賊而已。寧知有君乎。諸人若無相國。何所持而敢無天無地無人理之至此也。相國所以爲無君。所以無走首惡之罪。是春秋之法也。臣以爲鄭威與相

國原是一人。文昇與可。厥是一案。進封移宮之事。諸臣壽日所親見。相國雖因人成事。尚有兩揭。進美女。進泄藥之事。亦諸臣當日所親見。相國何獨力為掩護。曾無一言。相國處分。自有公議。非臣敢言。鄭成回。舊已奉明旨。可遂升髦。手輕易進藥。可灼處分。自有明條。文昇下筆。先于紅丸。可廢國典乎。

先帝升遐。環海勸進。仁之未久。

皇上踐前。環海慶敬。承之有君。凡為臣子。知慟知愛。而已。何忍議惟是。官闈素積。羣疑當機。最宜決斷。而

舊輔方從。皆處之。偏善依違。若深言就裏。機關殊為可駭。李可灼進藥一事。終不能改。幸于

皇考。夫紅丸者。正陽辟奇。與之藥。成民有疾。亦未敢嘗試者也。何以聽其公然聚訟。復公然調進耶。總引進恨

因尚在。諉卸。而回。稱調理之票。出于何人之手。即遠下見唐之柳詒革。近不見王全等所坐法乎。舊輔于此。准

有束身席葦。屏跡市朝。以聽

皇上處分而已。其痛懲之。則

皇上之孝也。其積寬之。而

兩朝覃恩。所進階敘。賡結從臾。奪則

皇上之仁也。若夫道路所傳，伊咎小之，而大之，則定案，則惡，何罪大，公直愈深，恐更非舊制之理矣。給事中韓繼思，魏大中，方有度，陳爾翼，郭興治，議。

先帝疾革之故，中外一詞，神人同懷，遂自行入。

朝抗章，誅舊輔，以春秋之義，痛哉，非一朝一夕之故矣。

粵自龍祭，煽惑，足智工巧，思以其獨毛，離裏之親，暗好。

大統，時，將綸扉，幸其著者也。神祖剛明，老成定策，獨藩之國，大本爰定，而陰叛水堅。

謀乃益棘，慈慶之抵，幾入五步之內，反中於姦者，以。

考功之法，當其時，針狼露鯢，道路以目，雖其間，謂劇相。

亦厥髮千端，而癩張差者，如出一口，謹乘國成，親臣賊。

于接踵矣。

神祖登遐。

先皇御極，反側者，愈不自安，選文衣之，腰進，最下之劑。

進純火之節，既削，且弱，危瀕危，皆即金石鑄，其能固。

乎，自非包藏禍心，互為表裏，何以逆節之形，首三首尾。

其間，乃竟漫視之，而不一置計，夫桃園之獄，歸惡于肩。

亦惟以其不討賊也，況從而為之地乎，鼎革之際，復泄。

泄于后之封，宮之遷，而不以。

君父為意，故幸矣，故相，厥罪維均，而三逆所憑，抑又甚。

焉。但罪在大臣，未可擅定。若新素注既奉

明旨，亟宜遠徙。崔文昇必立竿其首于禁街。李可灼當

比族斃于柳河。斯罪孽正天討伸。

皇上斯以爲人子爲人臣，敷天爲人臣也。蓋春秋之義

也。

裕事中霍守與議曰：封后也而浪傳，擬益也而妄議。

移宮也而怠緩，苟非包藏禍心，何其大事稠塗。若曰別

無肺腸，豈盡不學無術，正與進藥之事大抵一副心腹。

所當並觀而合議者也。

師史劉芳議：李可灼試不對證之劑，僥不可知之福，法

應重辟。惜文昇方

先皇哀毀之祭，萬幾方殷，改爲突如，此中不無機關。罪

在李可灼上，至若臣妾億兆，下陳豈患無人，召客伐性，

敢爲輕安，復

聖德而連聖族，益與文昇同罪。一謀索而後謀尤爲巨憝。流京

河，勝舊輔身竟論具，歸賻鄭獻寧。

先帝有

皇上而不忍負郭戚，聖視逆節之莠，而無一同罪之詞。

何辭以謝天下萬世。

御史侯恂議

元帝嗣服未幾頗嬰羸弱之病紅丸一進

藏湖隨泣鳴嘯非診脈之官紅丸非對病之劑唐醫按

人法當杖輕易用藥審試

至尊當坐何律然則李可灼之罪真百口莫贖矣然而

孰實主張之非方從哲乎身爲元輔

若父生歟忍聽小人嘗試甚至求

朝政發而仍照回籍調理之

旨明示優容庇奸如此欲無同罪得乎論進封則累

皇祖以亂命之失是爲得罪

皇祖論進藥則陷

先帝以正終之恨是爲得罪

先帝論廢宮則貽

皇上以垂簾之禍是爲得罪

皇上人臣有一于此足以正不忠之誅矣願

廟堂之力持而速斷之也

御史蔣允儀議李可灼進藥彼時王安舜持疏糾參內

有誰爲薦李可灼者進紅鉛一丸

先帝服之不豫等語已爲相國立一罪案矣乃一倡再

搆曉曉致辭即謾解可灼見伊于內閣自稱有紅鉛藥

可教危證。因令典衆共議。久之不決。而問安大內之時。先帝因問有鴻臚寺官。今在何處。遣中使趙召。夫可。若無因緣。何敢呈身內閣。輔臣先令計議。

先帝隨有詢問。事豈適逢。既有專達。此自辨乃自。至貴妃停封。選侍移宮。二事千古。常名教所關。不待智者而後辨。閣臣但無二心。併存事。加若特。即。是。遂。矣。

御史劉徽。字玄。議。

先帝於落青宮四十餘年。福藩母子朝夕固寵。一時

射。之。之。伏。而。向。衆。從。吾。日。侍。左。右。豈。無。心。知。乃。最。都。氏。之。進。矣。女。也。而。不。聞。諫。止。聽。聞。又。升。之。用。也。藥。也。而。

不。聞。商。確。聽。李。可。均。之。進。給。也。而。不。聞。考。定。致。先。帝。以。女。無。之。德。繼。以。毒。餌。須。臾。不。救。輔。臣。乃。

人。主。之。家。相。凡。官。府。內。外。之。事。皆。如。吾。一。家。之。事。不。得。擇。于。不。及。知。亦。不。得。諫。于。不。能。爲。不。恨。究。張。差。之。主。使。

是。成。毒。也。猶。可。以。神。宗。之。命。藉。以。至。女。謂。之。人。則。後。以。後。性。之。善。而。曾。不。

在。正。此。何。說。乎。不。速。揭。背。后。之。非。紀。是。用。也。猶。可。以。先。宗。之。古。爲。詞。至。昇。均。之。藥。立。保。

聖。考。之。賓。天。而。及。行。賞。賚。又。何。說。乎。

大學士沈灌請告疏曰職之看詳章奏爲職掌也爲國家封疆之事重也而諸臣卽以此欲逐職而後快職若不明心迹而隱忍以去則是屈于威武而坐視

朝廷之紀綱壞于朋奸之手而國亦隨之若隱忍不去則是吠罵繇人貪戀富貴舉平生碌碌之守而盡喪之進思兩無所據職將何以措手足哉今蒙

陛下明示商議之爲正理且云何妨異同則職盡忠之本心昭然揭于白日而諸臣影響卜度之疑情亦便可憮然自喻職雖今日卽去而使古先哲王陳殷置輔之徵指與祖宗多備閭員之淵衷借一愚慙之臣以稍存于天下後

世則職雖去亦榮此職之所以感深而泣下者也然職寔有不可不去者五職病宜去負重効宜去同居政地而心不諒于密友宜去身爲大臣不能調和百官宜去事

陛下堯舜之主而危不能持顛不能扶宜去臣去而區區不遑朝夕者唯是外患未平人心未定議論之水火不獨小臣也大臣亦有之蓋奴之患如肩背之癰疽一潰則禍中于腹心故所爲至危而至險者也議者不知顧喉心據計而虛海內以事此一隅徵兵徵餉日按索無已一朝跟踉并舉而委之於敵川中之變黔中繼之滇中亦被其蹂躪誰不繇此而今又舉東省肘腋之間運道咽喉之地

蚤瞋目逆我顏行海內幾何堪此決裂哉忠臣義士夫誰
不太息痛恨于此著而尚欲堅護前非不許有人微言及
此天下事豈真一家私議耶

文定立朝日淺志業未竟其歸也則以熊王之事初
兩致書勸其協和共濟已而憤爭愈甚從遠海起念者
亦無不致恨于絕撫而況政本之地乎直陳安危之介
一疏言皆足以快遠素遠非護王而障熊可知是非當
久而自定
至在閣議以閣邊宜有備禦力主遣王象乾總督蒞遼
一時虜情夷衆頗以收束稍紓
天子東顧憂不可謂非其謀也

七月 辛

錄叙山東平妖將士楊國棟等功績。

護衛運道。

時山東妖賊據夏鎮阻絕運河。傳即陳道亨告急。上命該部議添兵防守。

川中逆酋投遞訴詞多涉贅畫。劉時俊督臣張我續奏之上。以時俊素受國恩。如何敢作此事。逆賊訴詞本可輕信。着暫回藉。仍行撫按官查明具奏。以憑處分。不得含糊了事。

吏部尚書張問達等請盡復言路。諸臣以光聖治疏曰。今日我

維持言路
是大臣第
一應直疏
極委曲體

國家當外氛內變迭見層出財賦甲兵捉襟露肘揆之繇
來聞見若岌岌乎病入膏肓扁鵲望而却走之日而臣等
日夕綢繆恃以無恐者惟仰藉我

皇上之仁聖耳自昔頌湯德者惟曰不德聲色不殖貨利
而

皇上清心定志本源已澄徹矣揚武烈者曰不泄邇不忘
遠而

皇上几席萬里呼吸已應通矣勤政務學親賢恤民飭兵
選將令德美名相望簡冊而所最可欽者尤在優容言官
賜環降謫一事大言官之責最重益爲

國家論可否。爭是非者也。然非好爲爭論也。而事有所關。機有所觸。害有所伏。勢有所成。不得不張膽明目。直陳底蘊。盡此言。以盡此心。僅止求稱職。乃其忠義所激。或嫌過激。或觸忌諱。倘非諒其無他原。其本念勘之于事前。後而容之宥之。鮮不片言齟齬。終身約結者。幸我

皇上曠然遠覽。廓然兼收。已將科道魏應嘉等五臣。俱賜寬什。盡復班行。巽命南申。歡聲雷動。及時甘澍。天若有以應之。一時之和氣。而互相响答者。此臣等所以頌

皇上于湯武之上。而相恃無恐者也。然自五臣而外。科道則有朱欽相。倪思輝。侯震賜。熊德陽。道臣則有劉重慶。賈

繼春王心一、江秉謙皆以言事相繼降謫。雖事各有屬而憂國則同言各有歸而愛君則一意爲。

皇上二原百原一錄盡錄必有次第之詔以快聽聞相戒靜俟在揚盛美乃今逾月尚未舉行想萬幾叢煩無暇省視而致美錦不完臣等不能逃其罪也近見新咨諸臣旋考旋

見
方之

命下其科貢未收者且諭破格錄用大哉王言曲成無外益見明聖之心巨細不遺共戴乾坤之量而獨于遷謫朱欽相等未蒙錄用我

皇上愛惜人才之念必不其然。尚有待于臣工之再陳乞也。臣等仰奉 新諭。故爲補牘。伏乞

皇上垂鑒。臣言。恩普一視。將被謫朱欽相等八員。統賜錄用。盡還原職。庶施仁于切望之際。則

聖主之鼓舞旣神。殫力于垂禱之飭。則諸臣之忠愛愈奮。精白一心以竊 五位。兼集羣策以制四夷。

聖德丕揚。

皇靈益暢。內治外攘之績。端必由此矣。

太常寺少卿高攀龍恭陳

聖明務學之要。以立政治之本。疏曰。臣觀

其理學與
經濟巨儒
名卿合而
爲一

兩朝從簡錄

卷十

三十九

帝王之德惟明而已。惟其明也，天下誦之曰明明。雖以堯舜之聖，不過明其峻德，爲明明后也。故明明后者，必明令德。明德者，何人之心也？人心本明，有不明者，何也？心本明，又須人自明之。故放于外則不明，復于身則明。着于欲則不明，循于理則明。動于氣則不明，安于止則明。荒于怠則不明，居于敬則明。驚于動則不明，主于靜則明。其明與不明，在一念轉移間。如反覆掌，無難也。今

陛下臨朝，百官肅肅于下。

陛下肅肅于上。

陛下之心，無不明也。

陛下臨祭百執事肅肅于廷

陛下肅肅于位

陛下之心無不明也。然而未爲明也。何者。朝參之頃。

陛下之心無不明。陛下不自知其明也。必反而思曰。此心思中不着一事。豈非心爲以守至正乎。是所謂心復于身也。循乎理也。安于正也。居于敬也。主于靜也。是所謂不放于外。不着于欲。不動于氣。不荒于怠。不驚于動也。故曰思則得之。不思則不得。得此知吾心之明。本末如是不爲造作也。然後

陛下知吾心之無外即天也。吾心之有主即上帝也。故曰

上帝臨汝無二爾心故曰小心翼翼昭事上帝此心一刻
放失即二其心非所以事上帝矣夫然後宮之中得肆雖
欲不凜然保之不可得矣至于深宮之中得肆之地凜然
保之而後爲明明之德夫然後

陛下讀聖賢書知無一字不言心無一字不言心之明而
津津有味焉至津津有味于書而此心之保不難矣自昔
聖帝明王未有不好讀書者人主好讀書者未有不爲賢
君令主者人心易放而難操含讀書別無操之道如大學
一書既講于經筵入于

聖處臣以爲即此書反覆玩味明明德于天下裕如矣推

而廣之宋臣真德秀大學衍義不可不讀也再推而廣之
先臣丘濬大學衍義補不可不讀也

陛下盡心于三書帝王心法治法無不具備夫然後知無
不明也又如此戎政尚書克績論選侍一事

陛下念

聖母則寬選侍之罪念

皇考則優選侍之禮義之盡也仁之至也而說者乃曰爲
聖母隱諱則爲孝明如

聖諭以爲假捏忠如楊漣以爲無功人臣避居功其居罪
君父有急令眼旁觀此大亂之道也不可不明也一惑其

說孝也不知其爲孝。不孝也。以爲大孝。忠也不知其爲忠。不忠也。以爲大忠。大孝大節。皆可反黑爲白。何事不可指鹿爲馬。昔宋朝欲貶蔡確。嶺表宰執恐開端。朱熹歎曰。使後世見無禮于君。然手坐視而不敢逐。必此言夫。今務隱諱而已。將何所不至哉。事有不辨于至微。貽禍于無窮者。皆若可數。在

陛下多講書精義理。此心常明。自能辨之。果其辨之。則如方從哲。鄭養性。大義豈不容不訿。何可一日復令居輦轂下耶。臣蒙

陛下擢于廢棄。玷于朝班。八閱月矣。見

陛下真有爲堯舜之資。天下真可被爲唐爲虞之福。而禍亂未已。治平未臻。羣臣之言。鉅細畢舉。然舉而措之在陛下。一人。所以轉天地之運。握宇宙之樞。提挈綱維。兼總條貫。又在

陛下一心。不然。如無能之舟。無輪之車。何所執持。何所適從。乎。臣故舉要言之。必讀書以明理。明理以明心。明心以出治。始得弘濟于艱難。建中興之大業也。臣非迂言。四十年。體驗于身心。考究于經史。信其理之必然。食芹而美。曝日而溫。以獻至尊。臣老矣。不能久事

陛下。不敢不畢其所欲言。伏惟聖明少垂察焉。奉

聖旨這所奏方從哲崔文昇鄭養性等已經大小九卿科道衙門公奏明白奉旨處分再不許牽扯生事高攀龍不諳事體不遵明旨又來瀆奏其選侍觸犯

聖母朕豈不報但看

皇考優待今被天災報應如何又言朕非孝本當重處罰俸一年

擇二十四日卯時冊封范氏爲慧妃命駙馬侯拱宸持節大學士葉向高捧冊

兵部上言奸細關係宗社奉

聖旨毛文龍因拏佟養真佟卜年遂投陶朗先處監軍纔

害毛文龍、拏到劉一嶽、杜茂等。刑部官縱容通同改口，不認前招。着三法司上緊問明，擬罪正法。劉一嶽等身邊奸細在各處甚多，邊上見有劉得功等錦衣衛便着的當官旗密訪拿來送法司從公嚴訊正罪。刑部等官徇私賣法，候國欺君，通不上緊問理。着回將話來。

禮部尚書顧秉謙侍郎周如盤教習庶吉士

刑部尚書王紀乞恩認罪奉

聖旨：拏到奸細劉一嶽等，交通逆賊李永芳、坑陷全遼疆土官軍，其情最大。至今不行問理，反借升官爲名，顯是推故違慢支吾。法司職守何在？王紀着革了職爲民。其餘各

官姑且不究，還着問明具奏。

禮臣請視學釋奠以信。

王言。

天啓元年六月內，題請擬于八月初四舉行。已因皇考在殯，郊祀尚未祗承，更于來歲擇吉幸學，至是禮部復奏謝。

淫雨傾壤，山海邊垣官民廬舍無算。

經畧王在晉與行邊尚書孫承宗交章言窮邊水灾堪憐。

情狀。

上曰覽奏，大水為灾，遼人墊苦，臺城各處傾塌，關係緊要。

委宜急防，便行文經督撫臣酌處錢糧，嚴飭將吏于分轄。

處所應脩造的、速行料理、其傷害人民、亦量爲賑助、以救殘生、昭朝廷軫恤至意、

行遣尚書孫承宗請急安遼人奉

聖旨、遼民窮困至極、甚軫朕心、安插事宜、關臣董應舉、亟行招集、經督併各巡撫官、嚴飭道府、各設法撫綏、毋徒驅逐出境、終至失所、其在登萊朝鮮者、行文劉國縉、毛文龍、作何分插、一體矜恤、餘俱如議行、

戶陽巡撫楊述中上言、驚聞異揭、奉

聖旨、劉時俊、併伊男、着錦衣衛差的當官、旗拏解來京、嚴

審具奏、該部知道、

公卿要客
解重將領
片言居要
已

御史帥衆奏曰臣於前月蒙

恩調外彼已 陛辭回藉行至雄縣地方接臣堂官札付

始知復蒙

聖恩賜環唯時臣已在途白雲係念恨不一依子舍祇緣

聖恩深重不得不趨回謝

恩復任以來惟兢兢思過之不暇又何敢爲陳賡第目擊

疆事如身處敵舟在在堪漏至二東之禍猶肩背與腹心

交病所關非小臣安能默然處此而不爲

皇上陳之自河西失陷寇逼山海諸臣之借箸者幾無遺

策矣第屈策者當提其衡權救變者宜居其要乃今榆關

以西無不厚之防無不脩之險榆關以外增城以爲蔽假
款以爲藩凡天險人險亦旣備比而不疎矣是守法之不
可無而非其所以守也蓋善守者必以戰非以驅之戰也
謂以料戰之心料守而守乃固也臣按關上諸隘獨一片
石一路無抵關之扼塞無大虜之掩襲哨枝疾趨信宿而
至此入犯之最便者也聞頃者增兵不過數千增將不過
偏裨設奴分道內犯而宿重兵於此路萬一堵截不住爲
所闌入彼且分兵一枝以綴永平之援而以大師抄出山
海之後則東西之勢斷而蘆溝以西皆震動矣所謂一路
致處處皆瑕者也謂宜重兵宿將預屯此路奴從此入可

挫其大舉之狂鋒。奴若趨關。并可爲關門之倚角。所謂攻我之堅而殺者亦堅矣。督撫諸臣議以山石二路付主將。江應詔以馬世龍駐永平。專管東協。爲山海後勁。誠得此意。然使兵無固志。有望風而潰耳。與無險無衆同。欲固其心。尤在統以良將。令其各有所恃。蓋將賢自練。習兵以有勇。知方而不潰。將賢自法。嚴兵以必死。而不潰。將賢自多謀。兵以筭無敗。若而不潰。將賢能燭奸。兵以墉無伏。隼而不潰。又以車爲衛。運有足之城。摧挫弦之騎。奴之長技弗敢格也。兵又以有所憑而不潰。兵心固。民心亦因之而固。并將兵者亦因之而愈固。以此爲守。而衆心成城矣。以此

爲戰而背城可借矣。不特此也。夫可恃在我。醜虜亦消其。要挾之奸。而款之成也。易可恃在我。朝鮮亦絕其依違之。念而毛文龍之孤寄也。穩守關之策。其直截湊于似無要。於此者。雖然去疾宜速。師克在和。霆擊之振。魑魅罔不潛踪。同心之朋。鬼神若爲避銳。苟利封疆。即如虎之相爭。勿計也。臣願在事諸臣。出此也。苟知探驪。即鱗甲之多寡。勿問也。臣願在事諸將。出此也。幸今經督道將俱悉心邊備。而樞輔孫承宗。又閱視關上矣。知必有一番方略。以抒主上東顧之憂。但謀不厭密。將不厭多。以不恃款之心。用款以不忘戰之心。議守以長成之才。求將如杜應奎。李懷

信等俱宜置之要害與江馬二帥同心訓練以堅三軍之骨則遼事尚可爲也遼患息即奢安二酋且聞風鬼奪又何難妖賊哉此臣於羣策中揭其最直截簡要有裨於疆事者爲

皇上陳之伏乞

聖明留意奉

聖旨這本說的是杜應魁見報新兵着即刻勒限統領前赴山海李懷信有兵都調赴山海與同杜應魁公同江應詔馬世龍置之要地同心訓練以堅三軍共圖料理同守疆土其間事體或有當議者輔臣承宗詳議來說

大學士葉向高中。敕司寇王紀疏曰。臣病臥旬日。閣中事務。一切不聞。昨方具疏乞罷。東裝待命。乃今早忽聞有旨。刑部尚書王紀革職爲民矣。紀與閣臣沆瀣相攻。談者亦以爲過。

皇上但責以大臣爭論之失體。紀自無辭。今乃以佟十年劉一燾之獄。而遽斥逐一大臣。則從來所無之事。大小臣工孰不疑駭。夫一燾十年之間。在法司誠失之遲。然如此大獄。必須詳審讞議。其情果真。則雖父子兄弟不能相庇。如尚有可疑。亦宜虛心以求其當。三尺在衡。天地神明在上。誰得而枉縱之。有一毫枉縱之心。便得罪。

于宗社得罪于天下萬世問官之罪且在各犯上矣紀
歷官中外素有清正之名乃敢欺

君枉法曲庇叛逆之人以誤國家而蒙戮辱臣知其愚
不至此也自臣受事見言者懲年來之廢弛每以嚴威果
斷勸

皇上臣時語同官。

主上英明天縱所少者非威與斷也正恐威斷未必盡當
臣下不得言耳今旬日之間嚴旨屢下緹騎四出又繼
之以逐尚書

天怒赫然如雷霆之奮無不摧折威已彰矣斷已行矣然

而王紀之斥終非其罪。即劉時俊之通夷亦竟以巡按官之勘明爲妥。故臣雖當身病力竭奄奄待盡之時不敢不陳其愚伏望

皇上少霽天威。收回成命。令紀仍照舊供職。責以作速問明前獄。則大臣之體全而國法

君恩亦爲兩盡矣。昔臯陶爲士將殺人。臯陶曰殺之三。堯曰宥之三。張釋之爲廷尉。文帝將殺人。什之堅執不聽。此二事者。或主寬而臣嚴。或主嚴而臣寬。跡若不同。而要之皆斷于法。微獨臯陶什之無心。即堯與文帝亦無心也。故萬世稱二臣帝堯文帝之仁不衰。臣敢爲

皇上誦焉。至于蜀中鄉官不許領兵。則臣聞自有蜀難。鄉官如董盡倫以計全城。張健金富廉李大儒等誓衆殺賊。似不必盡奪其兵。榆關之監軍贊畫。但不可侵大將之權。若全無一兵官轄。何以展布。江應詔

勅書兵部請之。臣等撰之。有無重賄。必須查明。應詔已操大將印守關。又有馬世龍爲之後勁。而又調李懷信杜應魁諸鄉兵往彼。作何管轄。是皆該部與經督諸臣之所當詳計者。臣老悖昏迷。自知言之無當。而犬馬有心。不敢不盡。決不敢黨獲徇私。爲九廟神靈所殛。伏案口占。語無倫次。統望

聖明鑒其愚誠而裁察焉。臣疏已具。適聞同官亦有公揭。列臣之名。似可無言。但彼此各盡其意。以俟。

皇上裁擇。理亦無妨。故仍敢封進。臣不勝冒昧悚息之至。奉

聖旨。覽卿等奏。知道了。叛酋謀陷三韓。戕殺官民。喪失疆土。通國飲恨。遼廣陷後。皆奸細所獻。今屢次拿獲真正奸細。通不上緊會問。奏請正法。任其耽延。藉口爲辭。王紀全無。急公欺君。誤國遲慢。支吾本當依律重治。念係大臣。姑從輕處了。予奪出自朕衷。有何猜忌。卿等不必申請。已有

旨。

師中之詞
何詳以暇
無忝夫人
之說

貴州巡撫王三善餉缺堪憂疏曰臣初疏擬住沅州者爲
行師之道莫先于足食而黔省兵食尤當先議夫人而知
黔之貧而不知黔必仰于楚第由黔征楚遠者四五百里
近亦二三千里往返必須二三月安能必有司之速應安
能必解役之疾趨沅州者黔楚之交便于期會者也爲餉
計也再疏擬住鎮遠者臣住沅州月餘一切分派糴買差
有次第而所募楚兵必使入黔然後可以核實可以歸伍
待糧米運至鎮遠稍有積聚然後可以親提大兵而上數
路並進一舉蕩平不然有米不至與無米同有兵無食與
無兵同故被圍者雖急而解圍者實不能急且不敢急其

所以不敢者。自圍臣視。臣猶解倒懸。若臣自視尚存孤注。會城圍而尚有臣。臣舉事不當。而黔遂不可收拾矣。故臣再疏止擬住鎮遠。非逗遛。非畏縮。原爲慎重。而不敢輕發。以誤封疆。今聞會城之內。糧食已盡。力難復支。會城之外。文武將吏。一無可恃。臣若不進。會城倘有不測。封疆之任。誰實用之。死于法。與死于敵。孰勝此。臣雖極知力不能進。勢不可進。而不容不進者也。臣五月二十三日抵鎮遠。二十八日即提兵赴援矣。各兵關支行糧悉于俸米。載道而來。臣視之。皆糙米中參和燕麥。且半多腐臭。膏亦不食。何況于人。如此等米。即運至百萬。何益。嗟乎。此楚有司之罪。

抑督餉官之罪。將責楚之有司。則遠不可問。將責督糧官。而黔官寥寥數員。無可代者。亦不過付之長太息而已。微臣此行。雖事處萬難。亦必出九死一生之策。不敢負皇上委任之意。第恐臣心無窮。臣力有限。既進而提兵復不能退。而慮餉伏乞

皇上將新簡貴州按臣董翌。

特賜專勅提督湖廣一切軍餉。任扎鎮遠。仍准其不必候旨。以臣具疏之日爲始。即便移文管事。其方面有司敢有仍前怠玩溺職者。不時糾參提問。則風紀張而羣吏肅。是不動聲色而灌輸于不涸之源矣。又新按臣雖將蒞任。舊

按臣史永安尚在園中。新按臣已任監餉。舊按臣應任監軍。蓋其任黔久熟諳夷情。身陷重圍。練習兵事。况剝膚之災。與同仇之義。更倍恒情。此尤當賴其共濟者也。至于舊撫臣李榕。前任御史劉述祖。題議留鎮偏沅。彼尤止蘭州一酋之變。當此兩酋並起之秋。爲變更大。而所在土司各懷觀望。尤不可不先事設防。則此鎮萬萬當增應否。即留任鎮沅乞。

勅下吏部覆議施行。

司禮傳出

聖諭。諭內閣。即今封妃大典。在通所用冠頂金冊等件。錢

狼狽多，例應該部辨納。自奴酋發難以來，兼之滇黔蜀魯交變，軍民塗炭，以至各省直加派重征，民不聊生。況內外庫帑罄竭，軍興不貲，朕特命官于內庫查勘脩造，至期應用，以稱朕節匱之意。卿傳示大小臣工，凡有軍需等項錢糧，務要各秉公心，樽度不得糜濫。仰體朕衷，特諭。

巡鹽御史傅宗龍奏曰：臣滇人也，冒險出滇，為鄉人乞旦夕之命，謹以臣鄉危迫之狀為

計切桑梓
自無廷說
通達以以
合與蜀之
勢迫為得
妥

皇上陳之。方奢酋之發難也，臣鄉之文武大吏投袂而起，縉紳庶士聚族而謀。僉曰：蜀與滇唇齒也，無蜀是無滇矣。不憚征繕以俟。

朝命既而曰蜀危矣三朝命遠恐不即臨裴糧而前不達
啓處不謂天禍滇國又生黔禍以分覆滇師都司楊明
廷以三千人敗歿于畢節矣叅將尹啓易等一聞敗信自
烏撒奔回而霑益炎方松林皆不守平夷衛遂爲土婦設
科之黨李賢所破矣都司李天常以四千人敗于疊水矣
尹啓易又以三十人爲設科之數十人所敗而交水及曲
靖城外之村屯焚劫殆盡矣武定尋甸嵩明之間日尋干
戈無一日不傳警報逮援兵四集而東川之賊乃始出巢
幸也天之不以滇予賊也土官沙源再戰再捷而後賊首
殲賊首殲賊衆潰滇之會城免爲成都之續也嗟乎滇人

之濱死者屢矣。被兵之處，不忍言矣。水旱連年，四金而易米，一石行賣居送，祇爲盜資。避難流民，顛連載道，即受廛附郭者，倏移入野，倏移入城，憔悴飢疲，無復生理。每謂遼人巴人最苦，不幸滇人又身罹之。今東川業已遯歸，霑平已次第收復，天暑盛雨，寇必潛跡，驚寇似可粗定矣。然一賊未除，司帑告罄，兵以無餉而難聚，賊以無兵而復滋。九月十月之交，米已熟而未收，是資寇糧之日也。且按臣楊春茂行矣，撫臣沈儼蚡行年七十，拮据愁苦，通身是病矣。司道各官，察處者差行者接踵而去，見在會城者僅林士標一人，迤西僅徐穆王之機二人，迤東僅聞傳一人，監軍

惟有黃士華而憂讒畏譏日求解任亦不過掛空名而已
至于將官中能勝討賊之任者更無一人撫臣即竭盡心
力不敢告勞而一心兩手安能應日新無窮之機務耶臣
等觀其癯貌楚楚可憐惟有相對太息而已臣將有城而
無兵欲增兵而無餉既無兵餉又無將吏以調度之。

皇上誠一垂睿思如此光景滇南能不論爲絕域乎尚能
保一年無事乎臣寬假省親于去年十月抵里方期叱馭
而前所遭地方大亂臣自分必死于賊永無事

皇上之日矣茲獲苟全性命皆

皇上如天之庇也臣懼與全旗億萬生靈並膏原野萬不

得已。循漢丞相諸葛亮征南之舊道。從鎮雄入雄安。從其却渡金沙江而入會川。遂從建昌渡瀘入蜀。今已抵成都矣。臣之勉爲此行也。仰奉簡書。圖畢力于理鹽之役。臣之志也。然冲災犯瘴。割父母妻子之愛。而冒險出滇。爲鄉人乞旦夕之命于

皇上。尤臣萬不得已之至情也。臣之所首懇于

皇上者。乞嚴勅新撫按及新推司道諸臣。從建昌刻期入境受事。蓋此時黔路已斷。粵西亦有一路可通。而夏秋瘴癘爲虐。或諸臣所不敢輕涉也。瀘江雖有瘴而不甚毒。且臣可以來。而諸臣獨不能往。諸臣入而法令一新。盜

賊亦當斂手。此救滇第一急著也。撫臣所題

請就近推升及添設將領諸務。亦望

皇上勅下部院速見施行。早得一人入滇。即得一人之力矣。其次則請發帑金。

皇上于東西交託。不惜傾儲以供軍費。薄海內外。無不謳歌。即加派未停。不敢懷怨。夫滇亦一藩省也。顧不能當西蜀之半平乞。

皇上慨賜二十萬金與蜀並運。責令蜀撫差官轉運入滇。以爲滇兵續命之劑。仰見。

皇上慈愛仁明。不忍一物失所。其不忍以二十萬金昌滇。

可知也。且臣之求原不侈也。其次則乞

嚴諭督臣張我續。乘取重慶之聲勢。速勦奢賊。即乘勝以
勦東川。若奢賊未即就擒。亦須分兵從鎮雄烏蒙先平東
川。爲臣鄉除腹心之疾。臣鄉原無一事。以救蜀而全省。皆
搖督臣能不念滇而早引手乎。東川先平。次及鹽倉。滇兵
可與蜀會。即百奢酋無能爲矣。其次則乞

皇上諭全蜀中撫按。開通建昌。臣鄉在天抄蓋。自玉斧一
畫。而滇不通于上國矣。

太祖高皇帝混區宇。自黔取滇。取蜀。今之東西二路是也。
太祖遣將南征。亦有貴州原非上路之

論以蜀中未下故不得不先從黔入耳今黔省傳聞未破則東路尚有可行之時然不可以歲月計也粵西又未開關則舍建昌何適乎必建昌梗而後有入滇之仕紳必滇與蜀氣脉流通而後可合力以圖賊此理之一定不可易者臣親履其地求其利病而力爲調停亦不過給應得之餉補原額之兵假便宜以殺賊而取山澤之產以濟驛站之窮不必創非常之原而兩省可合爲同室矣若

廟謨獨斷肯以會川改隸雲南聽其制置而自建昌至黎雄貴之蜀中尤覺便益以會川至滇僅九日而至蜀必一月遠近之勢異也臣已將彼中事宜面告之按臣張論書

達之撫臣朱熒元矣。兩人俱為社稷業有同心。然非明旨諭行。恐究竟作道旁之議也。今日之勢。似蜀急而滇緩。然滇亡。則蜀必不能獨存。其奢賊一窮。不入建昌。則走東川矣。故滇之可慮。猶在蜀之上也。通建昌以安滇。寔所以破奢酋之後窟也。滇蜀合而俱安。無憂黔矣。廣西南半壁。終為朝廷有耳。臣暗淺無奇。又奔走困頓。條上鄙見。莽率無倫。而區區之心。苦於怔冲。望皇上之一憐憫也。

賊攻曲阜却之。

曲阜為先
州左臂故
以孤其勢

報稱六月二十七日。鄒縣妖賊。領馬步萬餘。擁至城下。知縣率兵民極力捍禦。殺賊甚眾。賊不能陷。旋以援至。

而後得早
力攻府
城縣令釋
却如此功
亦偉矣

技營
而去

沙溝兵將擒斬妖賊奪回糧艘

報稱六月二十二日辰時南來滁州併通州所掠船共
四十六隻在于運河彭家口灣住有拾夏鎮妖賊千餘
名陸續前來掩拒截沙溝營哨官姚文慶許領等齊集
本營快壯軍兵并沙溝附近四處鄉兵共三千餘名飛
至彭家口拒敵活擒賊人孟光漢李有安等共十一名
殺死賊人四十餘名孟光漢係偽封總兵李有安係偽
五王夏鎮賊城龍袍狼船俱光漢等攻陷擒奪運送
縣署者也狼船搶去七隻沉水二隻救回三十七隻洪
梓回韓庄與各船連成大劫擄
自沈獲各賊解充東道審問

淮兵驅斬夏鎮妖賊運道復通

淮兵與賊交鋒殺死大半賊窮無路從東路白山逃走
沙溝營哨官姚文慶等率領營兵鄉兵赴彼截殺斬賊
五十餘名將前搶去狼船七
隻俘回韓庄餘賊盡歸縣

奇變

遼陽城火

據報五月二十九日遼陽城先起白雲後起黑雲變成紅雲一塊從空墜下火來城內房屋人口牲畜燒死幾盡

禮部尚書孫慎行以病請歸

上曰卿清脩峻望倚毗方殷覽奏情詞懇切暫准回籍調理稍可撫按奏請起用

加惠安伯張慶臻少傅兼太子太傅以近者

護送

皇祖妣神主及先護送

皇考梓宮屢著勤勞故也

二十一日祭告

神宗顯皇帝

神主奉安太廟

升李若珪楊漣太僕少卿

山東一日二捷

撫按奏報七月初九日據總兵楊肇基報稱本鎮力疾
六月初九日抵兗州府即遣淫雨連綿幸于本部院于
七月初五日親臨視師初七日早率監軍王副使徐副
使同本鎮督領兵將至教場點閱官兵隨松祭六月念
三日陣亡將士忠魂痛哭拜奠人人感泣正切奮志同
仇祭禮未竟忽報妖賊衆擁一萬餘五路而至已近城
南三里大橋外本鎮面承本部院方略同兩道中嚴號
令先發游擊蔣紹芳王化溥領騎兵一枝迎賊截殺而
都司楊國威廖棟分兵二枝遶出賊尾賊腹背受敵殺
死千餘抱頭南遁我兵追至橫河山水暴發賊奔竄據

真切要之
疏東南防
禦大略已
得八九

張被水淹死無數侯天齊道開即
統兵南下鄒滕之賊不足平矣。

應天巡撫王象恒亟備勦除以衛根本疏曰頃者勝鄆之
變臣曾草疏一用撫諭之人一用附近之兵一用見在之
糧于時賊勢稍息遂未敢煩瀆不謂彼賊雌伏之後復爾
鷄張夏鎮之禍慘矣且罔沛縣攻濟寧窺兗州索戰于徐
州而邳州更岌岌矣腹心咽喉之地遠至梗塞衣冠文物
之區盡爲戎馬此其患何如者况南則鳳陽泗州東則淮
揚再南則留都關係何如重者寧可不急備乎除將前疏
補贖以進外臣已調兵防守鎮江等處而更有最急當
請者江上之要害有三事機之當議有三而勦賊之要着

惟一敢備陳之。一則京口。一則浦口。一則安慶。京口項臣
疏添游擊。就見在舊兵整理之。此時之言也。今事急矣。京
口須再加兵一千。以防水師。而作淮揚之後勁。此一要也。
浦口南北之冲。在南都城外六十里。大江之岸北。則滁鳳
喫緊門戶也。此處必增兵一千。一勇將領之。庶可以折北
來之瀾。此又一要也。又西則安慶。爲諸省間渡之津。而應
安徽池太寧六府。幅員寥濶。祇兩道臣。平時已若干奔馳
之不及。而況此何時也。徵安道且例以押運行矣。千里之
區。豈可無彈壓之人。故安慶必須添一道臣。而以安慶之
全應天之半屬之。江浦六合。皆可遙制。且有事可以移住。

二縣拱衛留都就以本地兵操練急則再加兵一千庶西路可以無虞此又一要也夫此三千之兵其大略也急則增緩則減原無則就近召募之各營有餘則就近調發之隨時斟酌焉若夫糧餉多則用須一兩少則九錢大約兵一千月有千金之費而哨官隊長之加厚衣甲器械之新增大約有一兵又有一倍之費臣與道臣皆隨時酌處或動協濟海防銀或搜括帑藏不問何項許爲借給事平查補此所當議者一也又有砲臺之當設各處俱有砲臺而南方則無之合于沿江諸處如京口如龍潭天寧州浦口孟河福山靖江等處俱係江岸渡口皆立砲臺數座上恭

一房中留砲孔下空之可以藏兵每臺大者一二百餘小者百十餘賊至渡口則火弩齊發可以堵之于彼岸可以擊之于中流雖費多而其用大此所當議者二也又有漕糧之當議今糧在河萬艘鱗集而此賊乃扼其喫緊頃已奪袍船糧船十餘隻矣及今宜將漕舟在徐者歛之漸南江南附近地方行者量留數處積貯有方查安慶一府漕糧尚未起運頃該道府申詳欲留之以爲該府備禦之需臣以彼時事勢尚緩未敢輕議今似不得不然矣以上皆防禦之着也若夫勦除緊要之着必須

勅山東河南巡撫總漕總河及募兵居中合力併兵及南

京操江與臣衙門佐之兩淮鹽臣巡漕御史又繼之各便
宜募兵便宜支餉或因粮于漕艘于鹽課多者四五千少
亦一二千四面環攻期于盡殲摠之事平銷算蓋合則力
大分則無成急則濟事緩則難備故盡羣力羣策以救焚
拯溺而後寇盜不足平耳不然若膠守故常坐以待斃噬
臍而圖之不亦晚乎臣此時見目前事勢緊急不得不盡
言如此者伏

天之靈得漸漸就平是在隨時斟酌耳伏乞

勅下該部酌議覆請臣等遵奉施行

朝鮮陪臣吳允謚等四十二名

論文龍者
當以此疏
爲準的孤
忠情狀極
極可憐勢
不容不授
聖選之未
必制奴之
延命還之
不至相國
宋之成軍
則爲之難
實爲實步
善談過計

大崇教等七寺喇麻僧班就額行三十六名
禮部尚書孫慎行乞歸允之

兵部尚書黃克纘亦歸

光祿少卿岳元聲奏爲

國臂輕擲可痛帥尾孤提宜憐

乍聞海外消耗描寫島中情形略陳

聖聽伏乞

勅下廷臣詳議監督憐枵酌餉飽士卒慎攻

守漸圖雪恥除兇事從來譚國勢者必通華夷疆域爲一

身而後脈絡可循經畫不錯

皇上試披皇圖而俯觀遼河東西疆土南至旅順北極開
原延袤一千幾百餘里非我

兩朝信錄
後宋一論
一微一介
真經濟名
言

兩朝信錄

卷十四

本

祖宗櫛風沐雨之天下二百五十年來

皇上所恃爲社稷左臂而身使之者乎此真臥榻之側

也

皇上豈肯容他人鼾睡者乎臣歷觀數十年來秦養邊臣

戲視社稷恣填谿壑循至二三殘臣跋扈不悛我

國家全盛金甌蔑視殘缺奴未渡河而主帥先逃奴已歸

巢而城池終弃金戈鐵馬肝腦塗地忠臣義士塞草棲蒐

風聲鶴戾驚盡公卿之壺域恫疑虛喝煽起草澤之波濤

海內豈少李永芳之賊哉盈庭之不忿而憤然作色也豈

非

皇上忠義之士爲社稷圖復此左臂者乃道傍之築迄三年而未有成言致使徒步海外之一毛文龍稱將軍於皮島也不謂我國家熊羆塞外之氣象之可痛者如斯也臣於文龍之報捷鎮江城也初實駭之度酋奴必有屠戮全城之慘及鎮江城之既屠也甚爲文龍危之計文龍惟有疾走朝鮮之着若以文龍之舉動核文龍之伎倆此非大呼盧博塞之徒呼號微倖一擲捷試而捷得之者乎此何可恃也所幸天助社稷途人忠智不二心之人之避禍各島與各島遼民之生長於島嶼舟楫之間者適與文龍遇合於間關險阻之區山瀾川浦至皮島而止焉至

此而文龍之伎倆始可次第見矣。文龍所居一皮島也。而進之獐子島、鹿島、石城廣祿長山諸島。文龍據一島而諸島皆皮島之島也。據皮島則皮島之人民與之訓練而安全之。勢必與文龍求其同生。不求其同死。而各島之人民生死肝膽與文龍同也。計各島之人民初之救死不贍。得文龍與之唇齒爲命。而以漸觀其中胆智勇敢之士。而剗之以纓弁。給之以器械馬匹。而壯士有死之心。無生之氣。與文龍誓期食奴肉。飲奴血。共有非向報効。

朝廷之心可知也。此文龍雄視島中之情形。可描寫而得之者也。如此情形。而有不甘苦與其飢寒與俱者。非必文

龍與非文龍之爲心。其同舟共楫之相顧相恤亦勢之所不得不然也。蓋臣謂籌國家之變與兵家之宜者。因其勢利導之而已矣。此又文龍拊視島中之情形。可描寫而得之者也。文龍仗社稷之靈以徼天之倖者。此也以臣計之。天之不可長恃。而倖之不可屢徼者。其說有幾。臣謹採之海外之消息。集之爲愚者之千慮。而

皇上試垂聽焉。臣觀今日國家功令。殘遼流移之氓。混亂竊入內地者。定以奸細論。此令中外奉行。嚴於細柳矣。登萊之地。遼民不敢踰望海渦一步。則夫遺黎之在遼陽者。勢必盡驅而置諸海島間。有遼民之奔竄于風波而止。

乎內地者。亦如驚魚駭鳥。逃之乎深密而後可得其性命之情。則遼民之不竄入於首奴而依歸於文龍也。即三尺乳臭。亦文龍之義士矣。文龍而有人心。有弗飲之食之者乎。度文龍亦勢必不能不飲之食之也。試問文龍持籌足食。作何料理。此其可憐者一也。或曰文龍尚有朝鮮可藉聲援。佐餉之一力。無非爲我。國釜山之捷。其君若臣。誓不敢後。以負我。

主恩。監軍一過。不禁騷騷。而國澤蕩然。使伏戎之禍。遂見于李暉爲首。奴驅朝鮮之叛逆者。且在蕭牆之內矣。文龍不懲創而濡沫之。朝鮮之民。又未必不談虎而色變也。

如此而欲望緩急於比隣。試問文龍講信脩睦作何方略。此其可憐者二也。最可慮者。謂文龍性忠義其人耶。則今日尚方之劍何殊蘇武之節。文龍臣鄉人也。文龍而果至于此也。臣且當執鞭拜下風。何敢重疑之。文龍而猶不免於中材晚近之末流也。萬一與師日費不支。仰天飢餓。莫告上無以答。

君父之命。下無以飽島人之腹。酋奴乘間襲香餌以招搖之。文龍於此生死難持而進退維谷。疆場之禍有不忍言者。試問文龍衝鋒馳突作何韜略。此其可憐者三也。酋奴鬼蜮幻有幻無。海上訛傳朝三暮四。或從榆關而道聽。或

如畫

由旅順而塗說逃兵廢將之口吻。江湖術士之揣摩。或憑
祖功宗德而居無事。或效指天畫地以倖邊功。訛以傳信。
信以傳疑。葵藿之夫。似迂似痴。燕雀之輩。亦醉亦夢。

眼孔宜大

皇上山海以東。一片錦繡江山等。於沉舟破釜矣。傷哉。不
知篙師孤撐之所以也。中外譚者。徒舉毛文龍爲一話柄。
可謂一文龍之外。遂絕孫吳之跡乎。請就文龍而詳文龍
之說。喜談文龍者。謂遼事兵興以來。從來未有手縛佟養
真父子一報奇捷。賜劍賜蟒。汎是赴赴干城。此夫鼓舞
文龍以賈餘勇。者非乎。此信文龍而過者也。過計文龍者。
謂酋奴毀滅遼城。收拾老寨以東。絕無有入犯聲息。又何

必毛文龍添此贅疣。請兵請餉。並屬浮浪。此夫裁節漏卮。以求實事者。非乎。此又不信文龍而過者也。乃文龍之自信何如也。文龍踞皮島。畫圖立說。而號于衆曰。龍居皮島。跨鮮制遼。控阨上游。蹂躪寬奠。攪擾南甯。枕奴手足。居奴腹心。更有劒道直搗巢穴。壯哉言乎。譚何容易。臣度文龍就中進止機宜。而竟其着數。韜略進之。未必制酋奴之死。命退之。不至損我。國之威靈。文龍便宜行事。將略義能出此乎。獨憐其孤棲窮島。置身絕塞。投石超距之未遑。生聚教訓之不免。甘心於鼯鼠之眠聲。張爲龍虎之鬪。仰海天而飲泣於巖岫。溟渤之衝。望聲援而號呼於登萊山海。

之間。文龍之最可憐憫者此也。又文龍所自信而中外人。心所未能全信者如此也。而由斯以譚文龍鎮江初捷之時。則爲倖得倖失之文龍。鎮江既屠之後。則爲若存若亡之文龍。皮島未營之先。則爲可留可去之文龍。皮島既營之後。則爲千慮萬慮之文龍。

皇上試下只一書諭文龍曰。爾居島中。山川形略。聚米可圖。爾其墜旣屯牧。與士卒甘苦是共。練精師沿海嘯偵。以制奴出入。就關嶺設奇。潛伏扼奴項背。與朝鮮臂指相通。不失輔車之倚。登萊天津山海諸要害。務爲率然策應。使酋奴不得見長。萬里金湯。將在皮島焉。如是則

皇上之倚畀文龍不啻心膂而文龍能不手額頂踵捐糜奮擊以報

陛下乎。

皇上試下一檄予朝鮮曰爾國聲容文物略似中華風俗人心與他國迥異垂二百五十年來世受國恩毋相凌毋相軋矢心戮力以匡王室朕將嘉勞之不遑其或左右觀望盡首鼠之端功令具在毋貽爾先正羞如是則朝鮮感恩欲死且吞刀浣腸上下相安與島中漸成犄角之勢而頸可繫闕下矣若夫遼之土地在也遼之遺民在也痛殘寇之莫返悵呼搶之無從

皇上試下一令。慰之曰。爾遼煙雲稠密。爲國保障。一旦摧殘至此。朕心攸困。爾豈不知。爾其收戶口。墮生聚。朕將胥且經營。圖所以恢復。永建迺家。如是則遼民死竄未盡者。將携老扶幼。裹糧宿師。以候王師之至。